

黃氏逸書考

通德堂經解

逸書考

喪服變除

甘泉黃奭學

子爲父斬衰始死笄纚如故旣襲三稱衣十五升布深衣扱上衽徒跣交手哭

諸侯爲天子父爲長子不徒跣爲次於內不齧粥

臣爲君不笄纚不徒跣餘與爲父同

女子子嫁反在父室者及妻爲夫妾爲君不徒跣不扱上衽發胸拊心哭泣無數顰帶如

故餘與男子同

已上見通典凶禮六始死服變

小斂之後大夫以上冠素弁士則素委貌

禮記

喪服小記正義引崔氏變除說

子為父三月而葬要經散垂如始時也

葬日日中而虞反哭升自西階虞祭於堂杖

不入室

已上見通典凶禮九虞祭

二十五月而大祥二十七月而禫

檀弓正義引戴德喪

服變除禮

禫之禮元衣黃裳既祭乃服禫服朝服綬冠

雜記下正義

引變除禮

白履無紉

檀弓引戴氏喪服變除禮

附變除注

至死之明日尸襲去纒括髮

喪服小記正義引崔氏說檀弓

正義引襲而括髮四字

通德堂經解

逸書考

三禮目錄

甘泉黃奭學

禮者體也履也統之於心曰體踐而行之曰履  
體之爲聖履之爲賢然則三百三千  
雖混同爲禮至於竝立俱陳則曰此經禮也  
此曲禮也或云此經文也此威儀也二者  
或施而上或循而下竝禮記大題正義舉大略小  
缺其殘者明堂位正義斯道也文武所以綱紀  
周國君臨天下周公定之致隆平龍鳳之瑞

序周禮  
廢興

秦并天下收儀禮而歸咸陽但采

其尊君抑臣以爲時用

玉海三禮

世祖以來通

人達士大中大夫鄭少贛名興及子大司農

仲師名衆故議郎衛次仲侍中賈君景伯南

郡太守馬季長皆作周禮解詁 立竊觀二

三君子之文章願省竹帛之浮辭其所變易

灼然如晦之見明其所彌縫奄然如合符復

析斯可謂雅達廣攬者也然猶有參錯同事

相違則就其原文字之聲類攷訓詁拊祕逸

謂二鄭者同宗之大儒釋文三禮序錄引此句作二鄭信同宗之

大儒明理于典籍悞識皇祖大經周官之義存

古字發疑正讀亦信多善徒寡且約用不顯

傳于世今讚而辨之釋文三禮序錄引此句讚作贊庶成此

家世所訓也已上見賈公彥序周禮廢興凡著三禮七

十二篇儀禮目錄鄭氏注疏

周禮目錄

天官冢宰第一 象天所立之官冢大也宰

者官也天者統理萬物天子立冢宰使掌邦

治亦所以總御衆官使不失職不言司者大宰總御衆官不主一官之事也

地官司徒第二 象地所立之官司司徒主衆徒地者載養萬物天子立司徒掌邦教亦所以安擾萬民

春官宗伯第三 象春所立之官也宗尊也伯長也春者出生萬物天子立宗伯使掌邦禮興禮以事神爲上亦所以使天下報本反始不言司者鬼神示人之所尊不敢主之故



也

夏官司馬第四 象夏所立之官馬者武也  
言爲武者也夏整齊萬物天子立司馬共掌  
邦政政可以平諸侯正天下故曰統六師平  
邦國

秋官司寇第五 象秋所立之官寇害也秋  
者適也如秋義殺害收聚斂藏於萬物也天  
子立司寇使掌邦刑刑者所以驅恥惡納人  
於善道也

冬官考工記第六 象冬所立官也是官名

司空者冬閉藏萬物天子立司空使掌邦事

亦所以富充國家使民無空者也司空之篇

亡

釋文無之字而句上有此篇司空之官也七字

漢興購求

釋文無求字

千金不得此前世識其事者記錄以備大數

爾

爾字依釋文增釋文引白司空之篇亡止此

古周禮六篇畢矣

古周禮六篇者天子所專秉以治天下諸侯

不得用焉六官之記可見者堯育重黎之後

羲和及其仲叔四子掌天地四時夏書亦云

乃召六卿商周雖稍增改其職名六官之數則同矣

儀禮目錄

士冠禮第一 童子任職居士位年二十而

冠主人立冠朝服則是仕於諸侯天子之士

陸氏釋文譌作天子諸侯之士今監本依朝通解改正諸侯句絕天子之士屬下爲義朝

服皮弁素積古者四民世事士之子恆爲士

釋文引冠禮於五禮屬嘉禮大小戴及別錄止此

此皆第一

士昏禮第二 士娶妻之禮以昏爲期因五

名焉必以昏者取陽往陰來之義

疏作陽往而陰來釋

文作取其陽往而陰來茲依詩匏有苦葉正義所引又詩正義引此二句昏下有時字釋

止此日入三商爲昏昏禮於五禮屬嘉禮大

小戴及別錄此皆第三

士相見禮第三 士以職位相親始承摯相

見之禮

釋文止此句

雜記會葬禮曰相見也反哭

而退朋友虞祔而退士相見於五禮屬賓禮

大小戴及別錄皆第三

鄉飲酒禮第四 諸侯之卿大夫三年大比

將

此字依釋文增

獻賢者能者於其君以禮賓之與

之飲酒

釋文此下有之禮二字引止此詩干旄正義引此作諸侯之卿大夫三年

賓賢能之禮禮記鄉飲酒正義引此作諸侯之卿大夫三年將獻賢者於君以禮賓與之

飲於五禮屬嘉禮

句首似脫篇名

大戴此乃第十小

戴及別錄此皆第四

鄉射禮第五

州長春秋以禮會民而射於

州序之禮也

此字依釋文增

謂之鄉者州鄉之屬

釋文

引止

鄉大夫或在焉不改其禮射禮於五禮

屬嘉禮大戴十一小戴及別錄皆第五

燕禮第六

諸侯無事若卿大夫有勤

釋文作勲

勞之功與羣臣燕飲以樂之

釋文此下有禮也二字引止此

燕禮於三禮屬嘉禮大戴第十二小戴及別

錄皆第六

大射儀第七

名曰大射者

釋文無此句

諸侯將

有祭祀之事與其羣臣射以觀其禮也

也字依釋

文增釋文引止此

數中者得與於祭數不

本作不數談

中

者不得與於祭大射儀於五禮屬嘉禮大戴

此第十三小戴及別錄皆第七

聘禮第八 大問曰聘諸侯相於久無事使

卿相問之禮也

此字依釋文增

小聘使大夫

釋文引止此

周禮曰凡諸侯之邦交歲相問也殷相聘也

世相朝也於五禮屬賓禮

句首亦脫篇名

大戴第十

四小戴第十五別錄第八

公食大夫禮第九

主國君以禮食小聘大

夫之禮也

也字依釋文增引止此

於五禮屬嘉禮

句首亦脫

篇名

大戴第十五小戴第十六別錄第九

觀禮第十

觀見也諸侯秋見天子之禮

釋文

引止此句末有日觀禮三字

春見曰朝夏見曰宗秋見曰

覲冬見曰過朝宗禮備覲遇禮省是以享獻  
不見焉三時禮亡唯此存爾覲禮於五禮屬

賓

此下似說禮字

大戴第十六小戴十七別錄第十

喪服第十一

子夏傳

天子以下死而相

喪衣服年月親疏隆

釋文作降

殺之禮也喪必有

服所以爲至痛飾也

已上十二字依釋文增釋文引止此

不忍

言死而言喪喪者弃亡之辭若全存居於彼



焉已弃亡之耳本疏後又引此數句無大戴居字已弃之弃依彼增

第十七小戴第九劉向別錄第十一案以前十篇目

錄於別錄俱不云劉向不應至此特出姓氏此二字誤衍蓋儀禮中軼刊監本者以通解

為本重校刊之而喪服至特牲通解於目錄皆不載錦尾第次監本依士冠疏補輒誤加

耳

士喪禮第十二 士喪其父母自始死至於

既殯之禮釋文引喪於五禮屬凶通解續大

戴第四小戴第十三別錄第十二小戴第十三本譌第

八茲依疏說小戴之次改

既夕第十三 士喪禮之下篇也既已也謂

先葬二日已夕哭時釋文此下有也字與葬間一日

凡朝廟日諸啟期必容焉此諸侯之下士一

廟凡朝已下釋文無其釋文上士二廟則既夕哭先

葬前三日也也字依釋文增先葬前釋文作在前葬引止此大戴第

五剛此字未詳小戴第十四別錄名士喪禮下篇

第十三大戴已下通解續無唯有別錄名士喪禮下篇八字

士虞禮第十四 虞安也釋文安上有猶字士既葬

其父母迎精而反日中而祭之於殯宮以安

之

釋文引止此句末有禮字

虞於五禮屬凶

通解續引止此

大戴

第六小戴第八

本為十三又為五

別錄第十四

特性饋食禮第十五

特性饋食之禮謂

釋文

無此七字諸侯之士以歲時祭其祖廟之禮

疏及通解

續竝作諸侯之士祭祖彌茲從釋文釋文引止此

非天子之士而

此下

似有脫文於五禮屬吉禮

此下當有大戴第七十戴第十別錄第十五

三字今脫蓋通解續無之監本又漏補

少牢饋食禮第十六

諸侯之卿大夫祭其

祖禰於廟之禮

釋文止引此句

羊豕曰少牢

通解

續無此  
七字  
於五禮屬吉禮大戴第八小戴第十

一別錄第十六

有司第十七  
少牢之下篇也上釋文無此七字通解

續無  
上字  
大夫既祭饗尸於堂之禮釋文止若下

大夫通解續脫此四字  
祭畢禮尸於室中無別行饗

尸於堂之事通解續脫此句  
天子諸侯之祭明日而

繹有司此下本衍微字鄭注本無微也  
於五禮屬吉此下似脫禮字

大戴第九小戴第十二別錄此下似脫名字  
少牢下

篇第十七

禮記目錄

曲禮第一 名曰曲禮者以其篇記五禮之事祭祀之說吉禮也喪荒去國之說凶禮也致貢朝會之說賓禮也兵車旌鴻之說軍禮也事長敬老執贄納女之說嘉禮也此於別錄屬制度

曲禮下第二 義與前篇同簡策重多分爲上下

檀弓第三 名曰檀弓者以其記人善於禮

故著姓名以顯之姓檀名弓今山陽有檀氏  
此於別錄屬通論

檀弓下第四 義同前篇以簡策繁多故分  
爲上下二卷

王制第五 名曰王制者以其記先王班爵  
授祿祭祀養老之法度此於別錄屬制度

月令第六 名曰月令者以其紀十二月政  
之所行也本呂氏春秋十二月紀之首章也  
以禮家好事鈔合之後人因題之名曰禮記

言周公所作其中官名時事多不合周法此於別錄屬明堂陰陽記

曾子問第七 名爲曾子問者以其記所問多明於禮故著姓名以顯之曾子孔子弟子曾參此於別錄屬喪服

文王世子第八 名曰文王世子者以其記文王爲世子時之法此於別錄屬世子法釋文

引目錄云以其善爲世子之禮故著證號標篇言可法也

禮運第九 名曰釋文無禮運者以其記五

帝三王相變易及

此字依釋文增

陰陽轉旋之道此

於別錄屬通論

末句釋文皆不引

禮器第十

名爲禮器者以其記禮使人成

器之義也故孔子謂子貢女器也曰何器也

曰瑚璉也此於別錄屬制度

釋文引目錄云以其記禮使人

成器孔子謂子貢瑚璉之器是也蓋撮舉其文耳

郊特牲第十一

名郊特牲者

釋文無此句

以其

記郊

釋文作祭

天用騂犢之義也郊者祭天之名

用一牛故曰特牲

也字已下十四字依釋文增

此於別錄



屬祭祀

內則第十二 名曰內則者以其記男女居

室事父母舅姑之法釋文止引以其已下十四字此於別

錄屬子法

玉藻第十三 名曰玉藻者釋文無此句以其記

天子釋文無此二字服冕之事也冕之旒以藻紉爲

之釋文無此二字貫玉爲飾釋文此下有因以名之四字此於別

錄屬通論

明堂位第十四 名曰明堂位者本脫位字依衛氏集

說增釋文無此句

以其記諸侯朝周公於明堂之時

所陳列之位也

釋文止引此句而無之時及也字

在國之陽

其制東西九筵南北七筵堂崇一筵五室凡

室二筵此於別錄屬明堂陰陽

喪服小記第十五 喪服小記者

句首似脫名曰二字

以其記喪服之小義也

釋文止引此此於別句而無也字

錄屬喪服

大傳第十六 名曰大傳者以其記祖宗人

親之大義

釋文無首句此下有故以大傳為篇六字此於別錄屬

通論

少儀第十七 名曰少儀者以其記相見及

薦羞之小

正義作少  
茲從釋文

威儀少猶小也此於別

錄屬制度

學記第十八 名曰學記者以其記人學教

之義此於別錄屬通論

樂記第十九

名曰

釋文無  
曰字

樂記者以其記

樂之義

釋文引  
止此

此於別錄屬樂記

雜記第二十

名曰

釋文無  
此二字

雜記者以其雜

記諸侯以下至

釋文無以下二字至作及

士之喪事此於

別錄屬喪服

雜記下第二十一

分爲上下義與曲禮檀

弓分別不殊也

此十五字正義本引在雜記上緣之末以曲禮檀弓例之

似當在此

喪大記第二十二

名曰喪大記者以其記

人君以下始死小斂大斂殯葬之大事

大事依釋

文增此下釋文有故以大記爲名六字

此於別錄屬喪服

祭法第二十三

名曰祭法者以其記有虞

氏至周天子以下所祭祀羣神之數也也字依釋

文此於別錄屬祭祀

祭義第二十四 名曰釋文無祭義者以其

記祭祀釋文無齋戒薦羞之義也釋文無此

於別錄屬祭祀

祭統第二十五 名曰祭統者以其記祭祀

之本也統猶本也釋文此句在以其上之本

四此於別錄屬祭祀

經解第二十六 名曰釋文無經解者以其

記六藝政教之得失也

釋文無之字無也字

此於別錄

屬通論

哀公問第二十七

名曰哀公問者

釋文無此句

善其問禮著諡以

以字依釋文增

顯之也

釋文引此止此

此

於別錄屬通論

仲尼燕居第二十八

名曰仲尼燕居者

釋文

無此句

善其不倦燕居猶使三子侍之

釋文無之字

無

言及於禮著其字言事可法也

釋文無事也字依釋文增

退朝而處曰燕居此於別錄屬通論

孔子閒居第二十九

名曰

釋文無  
曰字

孔子閒

居者善其既倦而不褻猶使一弟子侍

釋文無既

無弟而不  
褻作不衰

爲之說詩著其氏言可法也退燕

避人曰閒居此於別錄屬通論

坊記第三十

名曰

釋文無  
曰字

坊記者以其記

六藝之義所以坊人之失者

釋文無  
者字

也此於

別錄屬通論

中庸第三十一

名曰中庸者

釋文無  
此句

以其

記中和之爲用也庸用也孔子之孫子思伋

釋文無此字 作之以昭明聖祖之德也 此字依此

於別錄屬通論

表記第三十二 名曰表記者 釋文無此句 以其

記君子之德見於儀表者也 此二字依此 於

別錄屬通論 索隱三代世表注引鄭云表明也疑在此

緇衣第三十三 名曰緇衣者 釋文無此句 善其

好賢者之厚故述其所稱之詩以爲其名也

緇衣鄭詩美武公也 者下之字故述至其名十一字美武公三字並

依釋文增釋 其詩曰緇衣之宜兮敝予又改 文引止此



爲兮適子之館兮還予授子之粢兮粢餐也  
設餐以授之愛之欲飲食之言緇衣之賢者  
居朝廷宜其服也我欲就爲改制其衣反欲  
與之新衣厚之而無已此於別錄屬通論

奔喪第三十四

名曰

釋文無此二字

奔喪者以其

居他國聞喪奔赴之禮

釋文無以其二字居下有於字國作邦赴

作此於別錄屬喪服之禮矣

釋文無此句

實逸曲

禮之正篇也

釋文引止此實下無逸字

漢興後得古文而

禮家又貪其說因合於禮記耳奔喪禮屬凶

禮也

問喪第三十五

名曰

釋文無此二字

問喪者以其

記善問居喪之禮所由也

釋文作善其問以知居喪之禮所由

也此於別錄屬喪服也

服問第三十六

名曰

釋文無此二字

服問者以其

善問

以問喪錄例之似脫記字釋文作善其問

以知有服而遭喪

所變易之節也

也字依釋文增

此於別錄屬喪服也

閒傳第三十七

名曰

釋文無此字

閒傳者以其

記喪服之閒輕重所宜也

也字依釋文增

此於別錄

屬喪服

三年問第三十八

名曰

釋文無日字

三年問者

善其問以知喪服年月所由也

也字依釋文增

此於

別錄屬喪服

深衣第三十九

名曰深衣者

釋文此句以在制也下

其記深衣之制也深衣連衣裳而純之以采

者

詩揚之水正義引與此同釋文無深衣二字者作也

素純曰長衣

詩正

義無此句釋文作以素純則曰長衣也在有表句下

有表則謂之中衣

大夫以上祭服之

詩正義無此字

中衣用素詩云素

衣朱褊玉藻云

正義作曰茲從詩正義

以帛裏布非禮

也士祭以朝服中衣以布明矣

詩正義引自深衣連衣裳

至此於別錄屬制度

大夫以上已下至此釋文無

投壺第四十

名曰

釋文無此二字

投壺者以其記

釋文無此三字

主人與客燕飲講論才藝之禮也

字也

依釋文增此

於此二字

別錄屬吉禮亦實曲禮之

正篇

釋文句末有也字

儒行第四十一

名曰儒行者

釋文無此句

以其

記有道德者所行也

釋文者作之又無也字

儒之言優

也柔也

釋文柔作和

言能安人能服人也

言字也字依釋

文增釋文引止此

又儒者儒也以先王之道能儒其

身此於別錄屬通論

大學第四十二

名曰

釋文無此二字

大學者以其

記博學可以爲政也此於別錄屬通論

冠義第四十三

名曰

釋文無此字

冠義者以其

記冠禮成人之義此於別錄屬吉事

昏義第四十四

名曰

釋文無此二字

昏義者以其

記娶妻之義內教之所由成也此於別錄屬

吉事也

鄉飲酒義第四十五

名曰

釋文無此二字

鄉飲酒

義者以其記鄉大夫飲賓於庠序之禮尊賢

養老之義也

也字依釋文增

此於別錄屬吉事

釋文引止

此無此於二字事作禮

儀禮有其事此記釋其義也但

此篇前後凡有四事一則三年賓賢能二則

鄉大夫飲國中賢者三則州長習射飲酒也

四則黨正蜡祭飲酒總而言之皆謂之鄉飲

酒

射義第四十六

名曰

釋文無此二字

射義者以其

記燕射大射之禮觀德行取於

集說作其

士之義

也

也字依釋文增

此於別錄屬吉事

釋文無此於二字事作禮

燕義第四十七

名曰

釋文無此字

燕義者以其

記君與臣燕飲之禮上下相報之義也

與字也字

依釋文增報正義作尊誤依釋文改

此於別錄屬吉事

聘義第四十八

名曰

釋文無此字

聘義者以其

記諸侯之國交相聘問之禮重禮輕財之義

也

釋文無之禮及也字

此於別錄屬吉事

喪服四制第四十九 名曰喪服四制者

釋文

無此句以其記喪服之制取於釋文作其誤仁義禮

知四者此二字依釋文增也此於別錄舊說屬喪服

釋文無此於舊說四字服作禮



通德堂經解

逸書考

駁五經異義

甘泉黃奭學

天號第一

異義天號等六

等六二字恐有誤或以等六為第六之譌然制第

六天號不得又為第六今列為第一而仍此二字以識其疑毛詩正義引無第六二字

字

今尙書歐陽說曰春日昊天

周禮疏作欽若昊天

誤毛詩黍離正義引作春日昊天

夏曰蒼天秋曰旻天冬

曰上天總為皇天

毛詩正義無此四字

爾雅亦然古

周禮疏作故誤毛詩正義作古

尙書說云天有五號各用

所宜稱之尊而君之則稱皇天元氣廣大

則稱昊天

禮記月令正義引此句作謂之皞天

仁覆愍下則

稱旻天自上監下則稱上天據遠視之蒼

蒼然則稱蒼天謹案尙書堯命羲和欽若

昊天總敕四時知昊天不獨春春秋左氏

傳曰夏四月己丑孔子卒稱旻天不弔時

非秋天

周禮大宗伯疏毛詩黍離正義引小異

駁曰玄之間也爾雅者孔子門人作以釋六

藝之文言蓋不誤矣春氣博施故以廣大言

之夏氣高明故以遠言之秋氣或殺或生故

以閑下言之

閑下周禮疏譌旻天茲依詩正義

冬氣閉藏而

清察故以監下言之皇天者至尊之號也六

藝之中諸稱天者以已情所求言之耳非必

正順於時

詩正義作非必於其時稱之

解浩浩昊天求之

博施悠悠

周禮疏脫此二字依詩正義增

蒼天求之高明旻

天不弔則求天之生殺當得其宜上天同雲

求之所爲當順於時也此之求天

周禮疏無天字猶

人之說事各從其主耳

周禮疏無其字

若察於是所

論天從四時各有所別故尙書所云者論其

義也二者相須乃足此名非必紫微宮之正

直是人逐四時互稱之

所論已下四十則堯

命羲和欽若昊天孔子卒稱旻天不弔無可

怪耳

周禮大宗伯疏詩黍離正義則堯命已下二十一字周禮疏無

異義今尙書

周禮疏脫尙書二字

歐陽夏侯說六宗

者上不及天下不及地旁不及四方居中

央恍惚無有神助陰陽變化有益於人故

郊天并祭之古尙書說

案祭法正義下有賈逵等云四字

六宗天地屬

此字依御覽增

神之尊者

此句亦謂見路史

天宗三地宗三天宗日月北辰地宗岱河

海日月爲陰陽宗北辰爲星宗岱爲山宗

河爲水宗海爲澤宗

御覽作河海爲水宗

祀天則天

文從祀祀地則地理從祀

御覽禮儀部七六宗類引止此

謹案夏侯歐陽說云宗實一而有六名實

不相應春秋魯郊祭三望言郊天祭日月

星河海岱凡六宗魯下天子不祭日月星

但祭其分野星其國山川故言三望六宗

與古尚書說同

案此句乃疏家省文法後凡言與某說同者仿此

駁曰玄之聞也書曰肆類于上帝禋于六宗望于山川徧于羣神此四物之類也禋也望也徧也所祭之神各異六宗言禋山川言望則六宗無山川明矣周禮大宗伯曰以禋祀祀昊天上帝以實柴祀日月星辰以樛燎祀司中司命飄師雨師凡此所祭皆天神也禮記郊特牲曰郊之祭也迎長日之至也大報天而主日也兆於南郊就陽位也埽地而祭

於其質也祭義曰郊之祭大報天而主日配

以月則郊天

周禮疏天作祭

並祭日月可知其餘星

也辰也司中司命觀師雨師

司中以下禮記正義每句末有

也此之謂六宗亦自

禮記正義無自字

明矣

周禮大宗伯疏

禮記祭法正義

昔者楚昭王曰不穀雖不德河非所

獲罪言境內所不及則不祭也魯則徐州地

禹貢海岱及淮惟徐州以昭王之言魯之境

界亦不及河則所望者海也岱也淮也是之

謂三望

詩閟宮正義此與前爲一節蓋許君謹案有三望云云故鄭君并及之也

穀梁僖三十一年集解引鄭君云望者祭山川之名也謂海也岱也淮也非其疆界則不祭禹貢曰海岱及淮惟徐州徐魯地又左傳僖三十一年正義云鄭玄以為望者祭山川之名諸侯之祭山川在其地則祭之非其地則不祭且魯竟不及于河禹貢海岱及淮惟徐州徐魯地三望謂淮海三光考靈曜書岱也此二條與正義微異

云日道出于列宿之外萬有餘里五星則差

在其內

周禮馮相氏疏

異義月高則其食虧於上月下則其食虧於下也日月之體大小正同相揜密者二體相近正映其形故光得溢出而中食也



相揜疏者二體相遠月近而日遠自人望之則月之所映者廣故日光不復能見而日食旣也

左傳桓三年正義

駁曰詩云彼日而食則維其常此日而食于何不臧則非常爲異

詩十月之交正義

案南齊書天文志云桓三年日食貫中下上竟黑疑者以爲日月正等月何得小而見日中鄭云月正掩日日光從四邊出故言從中起也若然鄭君亦同異

義此說云

異義今文尙書歐陽說肝木也心火也脾  
土也肺金也腎水也古尙書說脾木也肺  
火也心土也肝金也腎水也謹案月令春  
祭脾夏祭肺季夏祭心秋祭肝冬祭腎與  
古尙書說同禮記月令正義案蕭吉五行  
大義引首句作尙書夏侯歐  
陽說云月令上有禮記二字令下有云字  
冬祭腎下云皆五時自相得則古尙書是  
也

駁曰月令祭四時之位及其五藏之上下次

之耳冬位在後而腎在下夏位在前而肺在  
上春位小前故祭先脾秋位小卻故祭先肝  
腎也脾也俱在鬲下肺也心也肝也俱在鬲  
上祭者必三故有先後焉不得同五行之氣  
今醫病之法以肝爲木心爲火脾爲土肺爲  
金腎爲水則有瘳也若反其術不死爲劇禮記  
月令正義案五行大義引鄭駁曰此文異事  
乖未察其本意月令五祭皆言先無言後者  
凡言先有後之詞春祀戶其祭也先脾後腎  
夏祀竈其祭也先肺後心肝季夏祀中雷其  
祭也先心後肺秋祀門其祭也先腎後脾凡  
此之義以四時之位五藏之上下次之耳以

下冬位在後至故有先後焉文與禮正義同  
惟云肝腎脾俱在兩下肺心俱在兩上與正  
義異其不得同五行之氣句作此義不與五  
行氣同也今醫病之法以下三十三字無

## 郊第二

異義春秋公羊說禮郊及日皆不卜常以  
正月上丁也魯于天子並事變禮今成王  
命魯使卜從乃郊不從卽已下天子也魯  
以上辛郊不敢與天子同也御覽五百二  
十七禮儀部  
六郊  
類

駁曰明堂云孟春正月乘大路祀帝于郊魯

用又曰孟春建子之月則與天子不同明矣

魯數失禮牲數有災不吉則改卜後月

禮記曲禮

上正義

異義古毛詩說以龍旂承祀爲郊祀

詩閟宮正義

義

案詩閟宮正義云明堂位云魯君孟春乘大路載弧韠旂十有二旒日月之章祀帝于郊配以后稷天子之禮也彼祀天之旂建日月之章明此龍旂是宗廟

之祭古毛詩說非鄭所從正義不引鄭  
駁別爲此說容許君本不從毛詩說鄭  
故無駁與然彼箋云成王以周公功大  
命魯郊祭天亦配之以君祖后稷是鄭  
亦據郊祀爲義正義云非鄭所從當別  
有據

異義公羊說祭天無尸左氏說晉祀夏郊  
以董伯爲尸虞夏傳云舜入唐郊以丹朱  
爲尸是祭天有尸也謹案魯郊祀

疑當作禮曰

祝延帝尸

禮記曲禮  
上正義

案尸神象也天無象何以尸爲況丹朱之不肖邪郊之有尸配帝之尸耳舜郊嚳丹朱於嚳爲孫益知丹朱之爲嚳尸非天尸矣周禮大祝大禋祀逆尸卽配尸也或援以證上帝有尸誤鳧鷖箋以公尸來燕來處爲天地之尸是鄭君義亦與許君同

異義今尙書夏侯歐陽說類祭天名也以

事類祭之奈何天位在南方就南郊祭之

是也

御覽五百二十七禮儀部六郊類禮記正義所引無奈何已下十四字而

類祭天名也五字古尚書說非時祭天謂

之類言以事類告也肆類于上帝時舜告

攝非常祭

御覽五百二十五禮儀部四祭禮類中禮記王制正義史記堯

本紀正義御覽事類告告上衍事字史記正義無肆類于上帝五字禮記正義止引

古尚書下謹案周禮郊天無言類者知類

非常祭

禮記王制正義御覽禮儀部禮正義云鄭氏無駁

案小宗伯注云類者依其正禮而爲之



是鄭同許君義也肆師注云依郊祀而爲之者是亦參用今尙書說矣蓋尙書古今二義本不相錯所謂就南郊祭之者卽是依郊祀爲之固不主謂大報天主日之祭也

異義王者一歲七祭天仲春后妃郊禘禘亦祭天也

御覽五百二十九  
禮儀部高禘類

案月令注云高辛氏之世立鳥遺卵城簡狄吞之而生契後王以爲媒官嘉祥

而立其祠焉據鄭君不言於郊則是不  
以祿爲祭天矣焦喬答王權云後王以  
爲媒官嘉祥祀之以配帝謂之高祿蓋  
非鄭義

異義夏至天子親祀方澤侍中騎都尉賈  
逵說曰魯無園丘方澤之祭者周兼用六  
代禮樂曾用四代其祭天之禮亦宜損于  
周故二至之日不祭天地也

御覽五百二  
十五禮儀部

四祭禮  
類中

案易乾鑿度云三王之郊一用夏正鄭君據此文謂周郊以寅月魯郊日以至示先有事也故駁公羊說云魯用孟春建子之月則與天子不同明矣而江大司樂冬至圜丘之祭則以爲禘其祖之所自出是不同侍中說也魯無方澤經傳不言鄭亦無說容與侍中說同異義今孝經說曰社者土地之主土地廣博不可徧敬封五土以爲社古左氏說其

工氏有子曰句龍爲后土后土爲社謹案  
春秋稱公社今人謂社神爲社公故知社  
是土公非地祇

駁曰社祭土而主陰氣

句首脫郊特牲云四字

又云社

者神地之道謂社神皆言上公失之矣今人

亦謂雷曰雷公天曰天公豈上公也

禮記郊特牲正

義

社者五土之神能生萬物者以古之有大

功者配之

■

大司徒辨五地之物生一曰山

林二曰山澤三曰邱陵四曰墳衍五曰原隰

正義但云鄭駁異義引大司徒五地之物不列其文茲補此五土地者土

生萬物

土生之土當作吐

養鳥獸草木之類皆爲民

利有貢稅之法王者秋祭之以報其功

已上二條

見詩蒲田正義

異義稷今孝經說稷者五穀之長穀衆多不可偏敬故立稷而祭之古左氏說列山氏之子曰柱死祀以爲稷稷是田正周弃亦爲稷自商以來祀之謹案禮緣生及死故社稷人事之旣祭稷穀不得但以稷米

祭稷反自食

駁曰宗伯以血祭祭社稷五祀五嶽社稷之

神若是句龍柱

本誤作社

弃不得先五嶽而食大

司徒辨五地之物生一曰山林二曰川澤三

曰邱陵四曰墳衍五曰原隰

正義云又引司徒五土名亦不

列其文今補

大司樂五變而致介物及土元土元

五土之總神卽謂社也

此三句又見大司樂疏

六樂於

五地無原隰而有土元則土元與原隰同用

樂也詩信南山云昉昉原隰又云黍稷彧彧

正義云又引詩信南山云酌酌原隰或云原

下之黍稷乃正義約其文耳茲補隰生百穀稷爲之長然則稷者原隰之神若

達此義不得以稷米祭稷爲難禮記郊特牲正義州

長職曰以歲時祭祀州社是二千五百家爲

社也又云有國及治民之大夫乃有社稷大

司徒職云樹之田主各以其野之所宜木遂

以名其社與其野並見禮記祭法正義案所

郊特牲正義之後

異義禮戴說郊特牲云諸侯不敢祖天子

大夫不敢祖諸侯

正義但云禮戴引匡衡此郊特牲云茲補

說支庶不敢薦其禩下土諸侯不得專祖於王古春秋左氏說天子之子以上德爲諸侯者得祀所自出魯以周公之故立文王廟左傳宋祖帝乙鄭祖厲王猶上祖也又曰凡邑有宗廟先君之主曰都以其有先君之主公子爲大夫所食采地亦自立所出宗廟其立先公廟準禮公子得祖先君公孫不得祖諸侯謹案周公以上德封



於魯得郊天兼用四代之禮樂知亦得祖

天子諸侯有得

本誤作德

祖天子者知大夫亦

得祖諸侯

禮記郊特牲正義正義云鄭氏無駁

案喪服傳云公子不得禩先君公孫不

得祖諸侯鄭注云不得禩不得祖者不

得立其廟而祭之也據尋常諸侯大夫

言其都宗人注云王子弟立其祖王之

廟家宗人注云大夫若先王之子孫亦

有祖廟則據有大功德者言是鄭同許

君義也

異義詩魯說丞相匡衡

案匡衡習齊詩此魯說當作齊說

以爲殷中宗周成宣王皆以時毀古文尙  
書說經稱中宗明其廟宗而不毀謹案春  
秋公羊御史大人貢禹說王者宗有德廟  
不毀宗而復毀非尊德之義

詩烈祖正義正義云鄭從

而不駁

案明堂位注云世室者不毀之名也是  
鄭亦以爲宗不復毀矣而注稽命徵殷

五廟至於子孫六則又云契爲始祖湯爲受命王各立其廟與親廟四故六似又謂殷毀中宗者詩烈祖正義云鄭據其正者而言宗旣無常數亦不定故不數二宗之廟是也

異義未踰年之君立廟不春秋公羊說云未踰年君有子則書葬立廟無子則不書葬恩無所錄也左氏說云臣之奉君悉心盡恩不得緣君父有子則爲立廟無子則

廢也或議曰

此下有缺文

謹案禮云臣不殤君

子不殤父君無子而不爲立廟是背義弃禮罪之大者也

駁曰未踰年君者魯子般子惡是也皆不稱公書卒弗諡不成於君也廟者當序於昭穆不成於君則何廟之立凡無廟者爲壇祭之近漢諸幼少之帝尙皆不廟祭而祭於陵云罪之重者此何故不罪殤者十九向下未踰年之君未必未冠引殤欲以何明也

通典九十三

異義公羊說虞而作主

此七字唯檀弓正義引之

古春

秋左氏說既葬反虞天子九虞九虞者以

柔日九虞十六日也

以士虞記始虞再用柔日三虞用剛日

推之九虞者當八虞用柔日第九虞則諸用剛日此云九虞者以柔日蓋有脫誤

侯七虞十二日也大夫五虞八日也士三

虞四日也既虞然後祔歾者於先死者

既葬

反虞已下五十四字唯曲禮正義引之檀弓正義所引止天子九虞十六日七字

祔而作主謂桑主也

祔而上鬯人疏有凡君薨三字作主下無

謂桑主也句檀弓正義引止此特祀主於寢畢三時之祭

曲禮正義引

期年然後作栗主

禮人疏無作栗主二

字

烝嘗禘於廟

此五字唯

謹案左氏說與

禮同

周禮鬯人疏禮記曲禮正義禮下有記字衍文

也賈孔並

云鄭不駁

案曲禮注云春秋傳曰凡君卒哭而祔

祔而作主檀弓注云重既虞而埋之乃

後作主春秋傳曰虞主用桑練主用栗

是鄭義同許君也

異義主狀正方穿中央達四方天子長尺

二寸諸侯長一尺

禮記曲禮正義

案禮記曲禮正義引白虎通曰所以有主者神無依據孝子以繼心也主用木木有始終又與人相似也蓋記之爲題欲今後可知也方尺或曰尺二寸白虎通言主長短不言天子諸侯之異公羊文二年傳何休解詁曰主狀正方穿中央達四方天子長尺二寸諸侯長一尺徐疏以爲皆孝經說文

異義今春秋公羊說祭有主者孝子以主  
繫心夏后氏以松殷人以柏周人以栗古  
周禮說虞主用桑練主用栗無夏后氏以  
松爲主之事謹案論語所云謂祔主也

禮記

祭法正義正義云鄭氏無駁

論語曰哀公問社於宰我

宰我荅夏后氏以松夏人都河東宜松也  
殷人以柏殷人都亳宜柏也周人以栗周  
人都豐鎬宜栗也

御覽五百三十一  
禮儀部十神主類

案論語問社鄭本作問主云主田主謂



社注檀弓云虞主用桑練主用栗是從  
周禮說但周禮注社主以石則鄭君亦  
未有定說

異義戴禮及公羊說虞主埋於壁兩楹之  
間一說埋之於廟北墉下

御覽埋之上有虞主下無於字

北方無事虞主亦無事也

此十字見御覽居處部十六窗

其引自虞主埋之至此

春秋

二字依御覽增

左氏說

說御覽作曰

徙主石于周廟言宗廟有郊宗石室所以

藏栗主也

御覽五百三十一禮儀部十虞神主引此左氏說正義無

主所藏無明文也

此下應尚有許君謹案語

駁曰案士喪禮重與柩相隨之禮柩將出則重倚於道左柩將入於廟則重止於門西虞主與神相隨之禮亦當然練時既特作栗主則入廟之時祝奉虞主於道左練祭訖乃出就虞主而埋之如既虞埋重於道左

禮記檀弓下正義

異義或曰卿大夫士有主不答曰公羊說卿大夫非有土之君不得祫享昭穆故無

主大夫束帛依神士結茅爲菴

此二句又見御覽禮

儀部十一引公羊說

據春秋左氏傳曰衛孔悝反祔

於西圃祔石主也言大夫以石爲主

通典四十

八吉禮七

主者神象也孝子既葬心無所依所

以虞而立主以事之唯天子諸侯有主卿

大夫無主尊卑之差也卿大夫無主者依

神以几筵故少牢之祭但有尸無主

禮記祭法

正義亦見通典吉禮七

謹案大夫以石爲主禮無明

文大夫士無昭穆不得有主

大夫士至有主又見禮記

祭法正義今山陽民俗祀有石主御覽五百三十一禮儀部

十神主類末句又見御覽五百二十九禮儀部八云山陽民祭皆以石為主小宗伯

疏引此句作今南陽俗祠有石主

駿曰少牢饋食大夫祭禮也束帛依神特牲

饋食士祭禮也結茅爲菴通典吉禮七亦見文獻通考大

夫無主孔悝祔主者祭其所出之君爲之主

耳祭法正義又檀弓正義引此作孔悝祭所出君故有主左傳哀十六年正義作大夫

無主孔悝之反祔所出公之主耳又引見周禮小宗伯疏

異義禮祭法云天子有祧遠廟曰祧將祧

而去之故曰祧去祧曰壇去壇曰墀皆藏  
於祖廟有事則禱無事則止

御覽五百二十九禮儀部

八禱  
祀類

案周禮守祧注先王之遷主藏於文武  
之廟先公之遷主藏於後稷之廟此卽  
據祭法爲說

異義古春秋左氏說古者先王日祭于祖  
考月薦于曾高時享及二祧歲禱于壇禘  
及郊宗石室謹案叔孫通宗廟有日祭之

駁五經異義

禮知古而然也三歲一禘此周禮也五歲

一禘

冊府元龜掌禮部奏議十七引此句作三年一禘誤

疑先王之

禮也

御覽禮儀七禘祫類初學記禮部上宗廟第四藝文類聚禮部上

終

者謂孝子三年愛終則禘于太廟以致新

死者也

通典禮九吉禘祫上晉博士徐禪議引春秋左氏傳歲祫乃壇墠終

禘及郊宗石室許慎云云

駁曰三年一禘五年一禘百王通義禮識云

殷之五年殷祭亦名禘也

詩長發正義闕宮正義王制正義闕

宮正義無禮識已下十三字

案記云虞而立尸有凡筵卒哭而諱生  
事畢而鬼事始已日祭祖考漢之寢日  
上食也是以人道事神明不應禮制故  
匡衡奏可亡脩且祭不欲數數則煩煩  
則不敬故制月薦時享之禮日就祭之  
何以爲敬何以云嚴鄭駁義不見故補  
之

異義古周禮說大宗伯曰凡祀大神享大  
鬼祭大祗率執事而卜日大鬼謂先王也

御覽五百二十五禮

儀部四祭禮類中

今春秋公羊說祀宗

廟筮而不卜傳曰禘祫不卜

御覽五百二十八禮儀部

七禘祫類

案鄭箴膏肓云當卜祀日月爾不當卜

不祀與否其意以爲魯郊常祀不須卜

但卜祀日則宗廟常祀亦不卜可祀與

否仍卜日不謂祀宗廟用筮不用卜也

故周禮大祭祀命龜凡國之大事先筮

而後卜鄭皆無祭不用卜之文而學記



未卜禘不視學鄭亦不以記文爲誤是  
從古周禮說矣

異義公羊董仲舒說躋僖公逆祀小惡也  
左氏說爲大惡也謹案同左氏說

駁曰兄弟無相後之道登僖公主於閔公主

上不順爲小惡也

禮記禮器正義

異義左氏說賑祀祭之肉盛之以蜃宗廟

之內名曰膳

周禮大宗伯疏

案公羊穀梁皆云賑者何俎實也生日

賑孰曰膳說文賑社肉盛以蜃故謂之  
賑天子所以親遺同姓春秋傳曰石尙  
來歸賑繇宗廟火孰肉春秋傳曰天子  
有事繇焉以饋同姓諸侯此用左氏說  
賑字作賑蓋古文也鄭君注周禮大宗  
伯云賑膳社稷宗廟之肉義同許君

異義公羊說每月告朔朝廟至于閏月不  
以朝者閏月殘聚餘分之月無正故不以  
朝經書閏月猶朝廟議之古春秋

三字依  
御覽增

左氏說閏以正時時以作事事以厚生生

民之道於是乎在不告閏朔弃時政也禮記

正義弃時政則不知其所行故諸侯歲遣

大臣之京師受十二月之正還藏於大廟

月旦朝廟存神有司因告曰今月當行某

政至於閏月分之朔無正故不以朝經書

閏月猶朝之者是也已上七十字見御覽

引自古春秋已下至此案末謹案從左氏

說不顯朝廟告朔之異謂朝雨而因告朔

禮記玉

藻正義

駁曰堯典以閏月定四時成歲閏月當告朔  
說者不本於經所譏者異其是與非皆謂朝  
廟而因告朔似俱失之朝廟之經在文六年  
冬閏月不告朔猶朝於廟辭與宣三年春郊  
牛之口傷改卜牛牛死乃不郊猶三望同言  
猶者告朔然後當朝廟郊然後當三望今廢  
其大存其細是以加猶譏之論語曰子貢欲  
去告朔之餼羊周禮有朝享之禮祭

二字恐  
有一誤

然則告朔與朝廟祭異亦明矣

禮記玉藻正義

異義竈神今禮戴說禮器云燔柴於竈夫

竈者老婦之祭也盛於盆尊於瓶

禮器正義云引

燔柴盆瓶之事不列其文御覽亦止有禮器云竈者老婦之祭九字今補

古周

禮說顓頊氏有子曰黎為祝融火正也

三字

依荆楚歲時記增

祀以為竈神

御覽不載古周禮說見歲時記謹

案月令孟夏之月其

三字依御覽增

祀竈五祀之

神四字亦依御覽增

王者所祭古之有功德於人

此七字御覽無

非老婦也

此許君謹案見通典五十一吉禮十御覽五百

二十九禮義部八五祀類正義但云許君謹案同周禮

駁曰祭爲五祀竈在廟門外之東祀竈禮設主於竈徑視融乃古火官之長猶后稷爲堯司馬上公也其尊如是王者祭之此八字正義有御覽無今但就竈徑而祭之屈上公之神何其陋也正義作但就竈徑一何陋也又月令云其正義但引視融至陋也六句帝炎帝其神祝融文列在上與祀竈絕遠而推合之文義不次焉得爲義也又左傳云五官之神生爲上公死爲貴神若祭之竈徑豈

得謂賁神乎特牲饋食禮云尸饌而祭饔饔  
以謝先炊者之功知竈神是祭老婦報先炊  
之義也臧文仲燔柴於竈夫子譏之云盛於  
盆尊於瓶若是祝融之神豈可以盆瓶之器  
置於陘而祭之乎通典吉禮十禮記禮器正義禮器正義引云祝融乃是五祀之神祀於四郊而祭火神於竈陘於禮乖也與此不同王爲羣姓立  
七祀一曰司命主督察三命也二曰中霤主  
宮室居處也三曰門四曰戶主出入五曰國  
行主道路六曰泰厲主殺也七曰竈主飲食

也竈神非祝融是老婦

御覽禮儀  
八五祀

公侯祭

百辟自卿已下不過其族夫鬼神之所及非其族類則紹其國位百辟者國君先有功德於人者今在其位故報祭之

初學記  
十三

天子有爵第三

異義天子有爵不易孟京說易有君人五號帝天稱一也王美稱二也天子爵號三也大君者興盛行異四也大人者聖人德備五也是天子有爵古周禮說天子無爵



同號於天何爵之有

北堂書鈔五十引五經異義云古周禮說

天子無爵三公無官同號于天何

謹案春

秋左氏云施於夷狄稱天子施於諸夏稱天王施於京師稱王知天子非爵稱

駁曰案士冠禮云古者生無爵死無諡自周及漢天子有諡此有爵甚明云無爵失之矣

禮記曲禮

下正義

異義炎帝姓姜大皞之所賜也黃帝姓姬炎帝之所賜也故堯賜伯夷姓曰姜賜禹

姓曰如賜契姓曰子賜稷姓曰姬著在書

傳

禮記大傳正義

春秋左傳無駭卒羽父請諡與

族公問族於衆仲衆仲對曰天子建德因  
生以賜姓胙之土而命之氏諸侯以字爲  
氏因以爲族官有世功則有官族邑亦如  
之公命以字爲展氏以此言之天子賜姓  
命氏諸侯命族族者氏之別名也姓者所  
以統繫百世使不別也氏者所以別子孫  
之所出故世本之篇言姓則在上言氏則

在下也

史記舜本紀集解

異義春秋公羊穀梁說王使榮叔錫魯桓公命追錫死者非禮也死者功可追而錫如有罪又可追而刑邪春秋左氏譏其錫纂弑之君無譏錫死者之文

通典七十二嘉禮十七

駁曰王制云三公一命袞若有功則加賜袞衣之謂與二曰衣服是也

詩旱麓正義

案諸侯嗣位而卽錫命禮也故詩韓奕云韓侯入覲以其介圭入覲于王王錫

韓侯其生有勲力於王室者死更追錫之若後世哀策在古則高圉亞圉死而追命矣於禮無乖當從左氏

異義公羊說存二王之後所以通夫三統

之義郊特牲云天子存二代之後猶尊賢

也尊賢不過二代

禮記正義但云引此文今補

古春秋

左氏說周家封夏殷二王之後以爲上公

封黃帝堯舜之後謂之三恪謹案治魯詩

丞相韋玄成治易施肇等說引外傳曰三

王之樂可得觀乎知王者所封三代而已

禮記郊特牲正義

駁曰言禮記正義無所存二王之後者命使郊天

以天子之禮詩正義無之字漢書注作王者存二代而封及五郊天用天子

體祭其始祖受命之王漢書注祭上有以字無受命之王四字

自行其正朔服色漢書注無自服色三字此之謂通夫

三統禮記正義無此句依詩正義增漢書注作此謂通三統也三恪尊於

諸侯卑於二王之後此十二字唯詩陳譜正義引之恪者漢書

注作三恪者已敬也漢書注無此二字敬其先聖而

下詩正義無之

駁五經異義

封其後

漢書注無而字句未有而已二字

與諸侯無殊異

漢書

注無與諸侯三字何得比夏殷之後

禮記郊特牲正

義詩振鷺正義陳詩正義後漢書百官志五注何得句漢書注無

異義公羊說諸侯不純臣左氏說諸侯者  
天子蕃衛純臣謹案禮王者所不純臣者  
謂彼入為臣皆非己德所及易曰利建侯  
侯者王所親建純臣也

駁曰立之間也賓者敵主人之稱而禮諸侯  
見天子稱之曰賓不純臣諸侯之明文矣詩臣

義正

異義妾母之子立為君

正義無母之二子字通典無立字

正義無

得尊其母立以為夫人

不以通典無立字

今

通典作按

春秋公羊說妾子既

此字通典無正義錯在說

上今

立為君母得稱夫人故上堂稱妾屈

於適也

通典無也字

下堂稱夫人尊行國家也

正義作尊於國也通典無也字也字依正義增

則士庶起為人君

母亦不得稱夫人父母者子之天也

此二字

字正義無然以文義尋之則士至大夫十四字當在子不得爵命父母下文錯在此

子不得爵命父母

正義子上行云字父下脫母字茲依通典增刪

至於

二字正義無

妾子為君得爵命其母者

通典

無得命

以妾本接事尊者有所因也

正義作以

二字

妾在奉授於尊者有所因緣故也似有誤字茲依通典

穀梁說

說正義作

傳曰

魯僖公立妾母成風為夫人入宗廟

正義無此三字

是子而爵母也

正義作是子爵於母

以妾為

妻非禮也古春秋左氏說成風妾

通典無此字

得立為夫人母以子貴禮也

通典無此二字謹案

此下通典有尚書二字

舜為天子瞽瞍為士明

正義無此



字起於士通典作匹庶者子不得爵父母也至

於魯僖公本妾子得正義無本妾子三字通典無得尊母

成風爲小君經無譏文公羊左氏義是也

駁曰禮喪服正義無此三字父爲長子三年以將傳

重故也此六字正義無眾子則爲之期正義作爲眾子期期通典

本作周避明無二適也女君卒貴妾經室正義

脫貴妾攝其事耳不得復立爲夫人正義止此

魯僖公妾母爲夫人者乃緣莊夫人哀姜有

殺子般閔公之罪應貶故也近漢呂后殺戚

民國甲戌

駁五經異義

元江都朱氏

補刊

夫人及庶子趙王不仁廢不得配食文帝更尊其母薄后非其比邪妾子立者得尊其母禮未之有也

通典七十二嘉禮十七禮記服問正義

異義公羊說國滅君死正也故禮運云君死社稷無去國之義左氏說昔大王居豳狄人攻之乃踰梁山邑於岐山故知有去國之義也謹案易曰係遯有疾厲畜臣妾吉知諸侯無去國之義也

禮記曲禮下正義云鄭不駁之

案孟子對滕文公竝陳二義而云擇於

斯二者則公羊左氏說皆不誤鄭君注  
曲禮引春秋傳國滅君死之正也是用  
公羊說

異義公羊說云質家立世子弟文家立世  
子子而春秋從質故得立其弟

公羊成十  
五年疏

案公羊隱元年何休解詁曰禮適夫人  
無子立右媵右媵無子立左媵左媵無  
子立嫡姪娣嫡姪娣無子立右媵姪娣  
右媵姪娣無子立左媵姪娣質家親親

先立娣文家尊尊先立姪嫡子有孫而  
死質家親親先立弟文家尊尊先立孫  
其雙生也質家據見立先生文家據本  
意立後生皆所以防愛爭檀弓儀仲子  
舍其孫而立其子子游問孔子子曰立  
孫然則周禮爲正鄭君注王制於爵等  
用公羊說云春秋變周之文從殷之質  
蓋亦從公羊說

異義今尙書夏侯歐陽說天子三公一曰

司徒二曰司馬三曰司空九卿二十七大夫八十一元士凡百二十在天爲星辰在地爲山川古周禮說天子立三公曰大師大傅大保無官屬與王同職故曰坐而論道謂之三公又立三少以爲之副曰少師少傅少保是爲三孤冢宰司徒宗伯司馬司寇司空是爲六卿之屬大夫士庶人在官者凡萬二千謹案周公爲傅召公爲保太公爲師無爲司徒司空文知師保傅三

公官名也五帝三王不同物此周之制也

北堂書  
鈔五十

案鄭君注書傳云周禮天子六卿與大  
宰司徒同職者則謂之司徒公與宗伯  
司馬同職者則謂之司馬公與司寇司  
空同職者則謂之司空公一公兼二卿  
舉下以爲稱注周禮保氏引書敘曰周  
公爲師召公爲保相成王爲左右聖賢  
兼此官也是鄭從今尙書說矣故注考

工記王公以爲天子諸侯不作三公解

異義卿得世不

四字唯詩正義有

今春秋

正義無此三字

依魏書禮志增

公羊穀梁說

禮記正義此下有云字

卿大夫

世則權并一姓妨塞賢路事

案事當作專

政犯

君

此八字魏書無禮記正義無下四字

故經譏周尹氏齊崔

氏也

詩正義脫周字齊下衍氏字禮記正義無故周齊三字也上有是字魏書

無故經譏三字周上有謂字

古春秋左氏說

詩正義無上三字魏

書古上

卿大夫皆

正義無皆字

得世祿不得世

位

禮記正義無下得字父爲大夫死子得食其故采

地如

詩正義無地如字作而

有賢才則復升

禮記正義無升

字

父故位故

不得世位已下

傳曰官有

世功則有官族

禮記正義無故傳已下十

有六

謹案

魏書脫此二字

易爻位三為三公二為

卿大夫曰食舊德

魏書無爻位已下十一

大夫曰

食舊德

禮記正義不疊此謂食父

故祿也尚書云

詩正義無云

古我先王暨

乃祖乃父胥及逸勤予不敢動用非罰

此

十字唯詩

世選爾勞予不絕爾善

禮記正義無此



句論語云魏書詩曰興滅國繼絕世國謂

諸侯世謂卿大夫也此十字禮記正義詩

云凡周之士不顯亦世亦魏書作奕此十

前次似是孟子云詩正義作曰文王之治岐

也仕者世祿知周制禮記正義世祿也詩

王正義禮記王制正義魏書禮志四

駁曰尚書世選爾勞詩刺幽王絕功臣之世

左傳宣十  
年正義

案不顯亦世箋云其臣有光明之德

亦得世世在位箴膏肓云公卿之世正  
大功德先王之命有所不絕者是鄭以  
世祿其常有功亦得世位與許微聖王  
制正義云鄭不駁指世祿言左傳正義  
又引駁義云云則據世位也

異義說九賜九命

禮記曲禮  
上正義

案曲禮正義曰周禮九儀一命二命三命再  
命受服三命受位四命受器五命受采則  
六命賜官七命賜國八命作牧九命作

伯案含文嘉九錫一曰車馬二曰衣服  
三曰樂則四曰朱戶五曰納陛六曰虎  
賁七曰斧鉞八曰弓矢九曰秬鬯鄭司  
農以周禮九命與九卿是一也蓋許從  
先鄭異義雖闕卽此可見

案曰九命與九賜不同

禮記曲禮  
上正義

案曲禮正義曰九賜謂八命作牧九命  
作伯之後始加九賜知者王制云三公  
一命衮若有加則賜二曰衣服之屬是

也又宗伯八命作牧注云侯伯有功德  
加命得專征王制云賜弓矢然後征詩  
云瑟彼玉瓚黃流在中傳曰九命然後  
賜以圭瓚又尚書文侯仇受弓矢秬鬯  
左傳晉文公受大路戎路弓矢秬鬯虎  
賁此皆九命之外始有衣服弓矢秬鬯  
等之賜故知九賜不與九命同也異義  
說九賜九命鄭康成以爲不同具如前  
說案正義所說卽可知駁義

異義天子駕數

此題唯詩正義引之

易孟京

漢書無孟字京

下有氏字

公羊說皆云

二字依漢書注增

天子駕六易

經云時乘六龍以馭天下也

此十二字唯公羊疏引之

案今易無下也二字

古毛詩說云

古字云字依公羊疏增

天子

至大夫同

書正義作皆

駕四皆有四方之事

此六

字見公羊疏

士駕二也

也字依公羊疏增

詩云駟駟彭

彭武王所乘龍旂承祀六轡耳耳魯僖所

乘四牡駢駢周道倭遲大夫所乘書傳云

士乘飾車兩馬庶人單馬木車

此十五字見公羊疏

書正義自皆有謹案禮王度記云詩正義

四方以下並無天子駕六公羊疏此下有龍字諸侯與漢書注卿同

漢書注公羊疏無同字駕四大夫駕三士駕二庶人

駕一與易春秋同

駁曰立之聞也周禮校人掌王馬之政凡頒

良馬而養乘之乘馬一師四圉四馬爲乘此

一圉者養一馬而一師監之也尙書顧命諸

侯人應門皆布乘黃朱言獻四黃馬朱鬣也

既實周天子駕六校人則何不以馬與圉以

六為數顧命諸侯何以不獻六馬此條唯詩正義引為

詳故依易經時乘六龍者謂陰陽六爻蓋乃

陰陽之氣乘六此八字依通典增上下耳豈故為禮

制通典作非為禮制王度記云今天子駕六者自是

漢法與古異大夫駕三者於經無以言之詩

旄正義公羊隱元年疏書五子之歌正義儀

禮既夕疏通典六十四嘉禮九後漢書輿服

志注詩正義作王度記曰大夫駕三經傳無

此言是自古無駕三之制也又無易經已下

數語茲依

公羊疏

異義驚和所在載禮戴毛詩二說謹案經

無明文且殷周或異

詩駟鐵正義云鄭亦不駁

詩云八

鸞鎗鎗則一馬二鸞也又曰輶車鸞鑣知

非衡也

續漢輿服志注引許慎曰案注不言出異義今以文義定之

案鸞和皆以金爲鈴大戴禮保傳篇在

衡爲鸞在軾爲和馬動而鸞鳴鸞鳴而

和應毛詩蓼蕭傳曰在軾曰和在鑣曰

鸞此異義所載禮戴詩毛氏二說也續

漢輿服志注載白虎通引魯訓曰和設

軾者也鸞設衡者也禮記經解注引韓



詩內傳曰鸞在衡和在軾前鄭注周禮  
大馭及玉藻經解皆同此說毛詩秦風  
駟鐵轡車鸞鑣箋云置鸞於鑣異於乘  
車周禮謂鄭以田車鸞在鑣乘車鸞在  
衡是也然蓼蕭之和鸞雝雝商頌烈祖  
之八鸞鵠鵠亦乘車也詩辭每言八鸞  
當謂馬有二鸞鸞若在衡衡唯兩馬安  
得置八鸞乎以此知鸞必在鑣說文金  
部鸞解云人君乘車四馬轡八鸞鈴象

鸞鳥之聲和則敬也若和之所設諸家  
皆云在軾惟韓詩云在軾前軾前則近  
衡矣服虔杜預解左氏傳錫鸞和鈴以  
爲鸞在鑣和在衡鑣者爾雅釋器云鑣  
謂之鑣郭注馬勒旁鐵說文鑣馬銜也  
釋名鑣苞也所以在旁苞斂其口也

異義公羊說殷三千諸侯周千八百諸侯  
春秋左氏傳說禹會諸侯于塗山執玉  
帛者萬國唐虞之地萬里容百里地萬國

其侯伯七十里子男五十里餘爲天子閒  
田謹案易曰萬國咸寧尙書云協和萬邦  
從左氏說

駁曰諸侯多少異世不同萬國者謂唐虞之  
制也武王伐紂三分有二千八百諸侯則殷  
末諸侯千八百也至周公制禮之後準王制  
千七百七十三國而言周千八百者舉其全  
數禮記王制正義

異義今尙書歐陽夏侯說中國方五千里

民國甲戌

駁五經異義

三江都朱氏

古尚書說五服方五千里相距萬里謹案

以今漢地考之自黑水至東海衡山之陽

至于朔方經畧萬里

禮記王制正義云鄭不駁

地有

九州足以承天

御覽州郡部敘州

案尚書釋文至于五千馬云面五千里

爲方萬里禮記王制引鄭尚書咎繇謨

注禹弼成五服去王城五百里曰甸服

其弼當侯服去王城千里其外五百里

爲侯服當甸服去王城一千五百里其

弼當男服去王城二千里又其外五百里爲綏服當采服去王城二千五百里其弼當衛服去王城三千里又其外五百里爲要服與周要服相當去王城三千五百里四面相距爲七千里是九州之內也要服之弼當其夷服去王城當四千里又其外五百里曰荒服當鎮服其弼當蕃服去王城五千里四面相距爲方萬里也又鄭注周禮九畿云自王

城以外五千里云云皆與許君引古尙  
書合

異義王者已有州伯所以復設二伯何欲  
使綌職也三歲一閏天道小備故二伯綌  
職也何以爲二伯乎曰以三公在外稱伯  
東西分爲二伯所以稱伯欲抑之也三公  
臣之最尊者也又以王命而行天下爲其  
威故抑之明有所屈伯也

北堂書  
鈔五十

明堂制第四

異義明堂制

此題見王藻正義

今禮戴

明堂位正義作戴禮

說

王藻正義此下有禮字

盛德記曰明堂者

王藻正義無者

字

自古有之凡九室

王藻正義所凡下有有字

引室有

明堂位正

四戶八牖共

王藻正義無共字

三十六

戶七十二牖以茅

王藻正義作草

蓋屋上圓下方

所以朝諸侯其外有水

王藻正義脫此二字

名曰辟

廡明堂月令說

王藻正義說下有云字

明堂高

二丈東西九仞南北七筵上圓下方四堂

十二室室四戶八牖其

王藻正義無其字

宮方三

百步在近郊近郊

明堂位正義無下近郊字

三十里講

學大夫淳于登說

明堂位正義此下有云字

明堂在國

之陽三里之外七里之內丙巳之地

此四字玉

藻正義在三而祀之

明堂位正義無此三字

就陽位

上圓下方八窗

初學記禮部上明堂第四六引此句作入廟似是

闔

藝文類聚禮上引此數語此下有以地就陽位也六字

布政之宮

故稱明堂明堂盛貌

玉藻正義無此八字

周公祀文

王於明堂以配上帝上帝

明堂位正義上帝不疊

精之神大微之庭中有五帝座星

明堂位正義作



坐位古周禮孝經說王藻正義古明堂文工

之廟夏后氏曰世室殷人曰重屋周人曰

明堂王藻正義無三曰字東西九筵筵九尺明堂位正義無

此三字南北七筵堂崇一筵五室凡室二筵

蓋之以茅周公所以祀文王於明堂以昭

事上帝王藻正義無周公以下十五字謹案今禮古禮各

以其義說說無明文以知之明堂位正義無其字不疊

說字

駁曰立之聞也明堂位正義無此四字禮戴明堂位正義作戴禮

所云雖出盛德篇

王藻正義作記

及其下顯與本章

異

八字明堂位正義無

九室三十六戶七十二牖似毫

相呂不韋作春秋時說者所益

明堂正義所字益譌

非古制也四堂十二室字誤本書云九室十

二堂

九室十二室明堂正義堂室互譌

淳于登之言取義於

孝經

王藻正義無孝經二字

援神契援神契

明堂正義此三字不

疊

說宗祀文王於明堂以配上帝曰明堂者

上圓下方八窗四闥布政之宮在國之陽帝

者諦也象上可承五精之神五精之神實在

大微於辰爲巳

明堂正義於作在

是以登云然

立明堂於丙巳

案玉藻正義漢諤說又脫丙字

由此爲之

正義之作也明堂位正義引止此

五室之位土居中木火金

水各居四維

此十五字見魏書李謐傳引鄭康成釋五室之位

水木

用事交於東北木火用事交於東南火土用

事交於中央金土用事交於西南金水用事

交於西北周人明堂五室是帝各有一室也

正義無是各有也四字南齊書禮志上引周

人以下二句無是各有三字魏書袁翻傳賈

思伯傳明堂議引並白周人已下翻議無各有二字

合于五行之數正義

無五行之三  
字其引止此周禮依數以為之室施行於今

雖有不同  
時說晒然  
賈思伯傳作然  
本制著

存而言無明文欲復何責  
此十三字見袁翻傳

異義公羊說天子有三臺  
禮肆師疏增

諸侯二天子有靈臺以觀天文  
周禮疏以

下以觀鳥獸句同有時臺以觀四時施化有囿臺

以正義脫此以字觀鳥獸魚鼈  
以上三有

御覽諸侯卑不得觀天文無靈臺但有時

臺囿臺  
正義作諸侯當有時臺囿臺在諸侯卑上周禮疏無靈臺三字在

得觀天文上周禮肆師疏初學記居處部  
臺六御覽百七十七居處部臺類上引止

此皆在國之東南二十五里東南少陽用

事萬物著見用二十五里者吉行五十里

朝行暮反也韓詩說辟廡者天子之學圓

如璧壅之以水示圓言辟取辟有德不言

辟水言辟廡者取其雖和也所以教天下

春射秋饗尊事三老五更在南方七里之

內立明堂於中五經之文所藏處蓋以茅

葦取其潔清也左氏說天子有

正義無有字依周禮

增疏靈臺在太廟之中壅之靈沼謂之辟廱

諸侯有觀臺亦在廟中皆以望嘉祥也禮周

肆師疏引止左氏說天子有靈臺諸侯有觀臺十三字毛詩說靈臺

不足以監視靈者精也神之精明稱靈故

稱臺曰靈臺稱囿曰靈囿稱沼曰靈沼謹

案公羊傳左氏說皆無明文說各無以正

之

駁曰玄之聞也禮記王制天子命之教然後  
爲學小學在公宮南之左大學在郊天子曰

辟廱諸侯曰泮宮天子將出征受命於祖受  
成於學出征執有罪反釋奠於學以訊馘告  
然則大學卽辟廱也詩頌泮水云旣作泮宮  
淮夷攸服矯矯虎臣在泮獻馘淑問如臯陶  
在泮獻囚此復與辟廱同義之證也大雅靈  
臺一篇之詩有靈臺有靈囿有靈沼有辟廱  
其如是也則辟廱及三靈皆同處在郊矣囿  
也沼也同言靈於臺下爲囿爲沼可知小學  
在公宮南之左大學在西郊王者相變之宜

眾家之說各不昭皙雖然於郊差近之耳在  
廟則遠矣王制與詩其言察察亦足以明之  
矣

詩靈臺正義又禮記王制正義引  
駁異義云三靈一雍在郊明矣

異義戴禮及韓詩說八尺爲版五版爲堵  
五堵爲雉版廣二尺積高五版爲一丈五  
堵爲雉雉長四丈古周禮及左氏說一丈  
爲版版廣二尺五版爲堵一堵之牆長丈  
高丈三堵爲雉一雉之牆長三丈高一丈  
以度其長者用其長以度其高者用其高



也左傳隱元年正義古周禮說云天子城高七雉

隅高九雉公之城高五雉隅高七雉侯伯

之城高三雉隅高五雉都城之高皆如子

男之城高考工記匠人疏天子之城高九仞公侯

七仞伯五仞子男三仞初學記居處部城郭二御覽一百九

十二居處部十九城上

駁曰左氏傳說鄭莊公弟段居京城祭仲曰

都城過百雉國之害也先王之制大都不過

參國之一中五之一小九之一今京不度非

民國甲戌校五經異義 墨江都朱氏

制也古之雉制書傳各不得其詳今以左氏  
說鄭伯之城方五里積千五百步也大都參  
國之一則五百步也五百步爲百雉則知雉  
五步五步於度長三丈則雉長三丈也雉之  
度量於是定可知矣詩鴻鴈正義鄭伯之城方七  
里大都參之一方七百步實過百雉矣而云  
都城不過百雉舉子男小國之大都以駁京  
城之大其實鄭之大都過百雉矣周禮典命疏或  
云周亦九里城則天子城九里匠人疏無天子城九里五

字坊記正義  
無上八字

公城七里侯伯之城五里子男

之城三里

考工記匠人疏禮記坊記  
義匠人疏無三城字之字

### 田稅第五

異義第五田稅今春秋公羊說十一而稅

過於十一大桀小桀減於十一大貉小貉

十一而稅天下之正十一行而頌聲作故

周禮國中園廛之賦二十而稅一近郊十

而稅一遠郊二十而稅三有軍旅之歲一

井九夫百畷之稅出禾二百四十斛芻秉

民國甲戌

較五經異義

吳江都朱氏

二百四十觔釜米十六斗謹

此字本脫

案公羊

十一稅遠近無差漢制收租田有上中下

### 與周禮同義

駁曰玄之聞也周禮制稅法輕近而重遠不爲民城道溝渠之役近者勞遠者逸故也其授民田家所養者多與之美田所養者少則與之薄田其調均之而足故可以爲常法漢無授田之法富者貴美且多貧者賤薄且少美薄之收不通相倍從而上中下也

案當作而云上

中與周禮同義未之思也又周禮六篇無云  
軍旅之歲一井九夫百畝之稅出禾芻秉釜  
米之事何以得此言乎

周禮載  
師疏

異義左氏說山林之地九夫爲度九度而  
當一井藪澤之地九夫爲鳩八鳩而當一  
井京陵之地九夫爲辨七辨而當一井淳  
鹵之地九夫爲表六表而當一井疆潦之  
地九夫爲數五數而當一井偃豬之地九  
夫爲規四規而當一井原防之地九夫爲

町三町而當一井隰臯之地九夫爲牧二

牧而當一井衍沃之地九夫爲井賦法積

四十五井井字舊脫據惠校宋本禮記補氏除山川坑岸

三十六井定出賦者九井則千里之畿地

方百萬井除山川坑岸三十六萬井定出

賦者六十四萬井長轂萬乘禮記王制正義

案左氏傳襄二十五年正義引賈逵注

說賦稅差品與異義同是許所引左氏

說卽賈逵說也周禮小司徒云乃經土

地而井牧其田野先鄭注云井牧卽春秋傳所謂井衍沃牧隰臯者也後鄭注云隰臯之地九夫爲牧二牧而當一井今造都鄙授民田有不易有一易有再易通率二而當一是之謂井牧是鄭亦依左氏說授田有此九等也

天子萬乘諸侯千乘大夫百乘

禮記坊記正義

案鄭君注坊記云古者方十里其中六十四井出兵車一乘此兵賦之法也成

國之賦千乘注論語千乘之國云公侯  
之封乃能容之與此異義同然此亦大  
畧言之耳坊記云制國不過千乘家富  
不過百乘云不過有不及焉者矣公侯  
伯子男及大都小都應各有差故春秋  
傳云魯賦八百乘邾賦六百乘

異義公羊說甲午祠兵

四字見曲禮正義

曰師出

曰祠兵入曰振旅祠者祠五兵矛戟劒楯

弓矢及祠蚩尤之造兵者

已上二十九字唯肆師疏引之



左氏說甲午治兵

四字亦見曲禮正義

治兵於廟禮

也

六字見大司馬疏

謹案三朝記曰蚩尤庶人之

强者何兵之能造

已上十八字見肆師疏

駁曰祠兵者

曲禮正義無此三字

公羊字之誤也

曲禮正義

無之字大司馬疏無也

以治爲祠

此四字依曲禮正義增

因而禮

正義作說

本疏此下衍文字依曲禮正義增

於周司馬職曰

中夏教茆舍中秋教治兵其下皆云如戰之

陳中冬教大閱修戰灋虞人萊所田之野乃

爲之如是治兵之屬皆習戰非授兵於廟又

民國甲戌

駁五經異義

四江都朱氏

無祠五兵之禮

周禮大司馬疏禮記曲禮正義但云引周禮四時田獵治

兵振旅之法

異義禮戴說王制云五十不從力政六十  
不與服戎易孟氏韓詩說年二十行役三  
十受兵六十還兵古周禮說國中自七尺  
以及六十野自六尺以及六十有五皆征  
之謹案五經說皆不同是無明文可據漢  
承百王而制二十三而役五十六而免六  
十五已老而周復征之非用民意

駁曰周禮是周公之制王制是孔子之後大  
賢所記先王之事周禮所謂皆征之者使爲  
胥徒給公家之事如今之正衛耳六十而不  
與服戎胥徒事暇坐息之間多其五歲又何  
大違之云徒給公家之事云非用民意邪此處  
似有王制所云力政挽引築作之事所謂服  
脫誤戎謂從軍爲士卒也二者皆勞於胥徒故早  
舍之禮記王制正義

## 羈制第六

民國甲戌

駁五經異義

辛江都朱氏

異義第六

此二字見周禮疏

罍制韓詩說金罍大

夫器也

周禮疏脫夫字又無也

天子以玉諸侯皆以

金士以梓古

此字依周禮疏增

毛詩

此二字周禮疏譌廷字

說金罍酒器也

周禮疏脫金酒也三字

諸臣之所酢

人君以黃金飾尊大一石

詩正義作碩

金飾龜

目

周禮疏作亡目

蓋刻爲

周禮疏作取象誤

雲雷之象謹

案韓詩說天子以玉經無明文謂之

周禮疏無

此二字

罍者取象雲雷博施如人君下及諸

臣

詩卷耳正義爾雅釋器疏周禮司尊彝疏末句作故爲人君下及諸臣同

案鄭君注司尊彝云山罍亦刻而畫之  
爲山雲之形儀禮士冠禮疏引漢禮器  
制度水器尊卑皆用金罍及其大小異  
鄭注士冠禮據之爲說知大夫酒器得  
用金罍韓詩說亦通其大小之異則鄭  
於異義無駁可知

異義爵制

二字見周禮疏

今

詩正義無

韓詩說一升曰

爵爵盡也足也二升曰觚觚寡也飲當寡  
少三升曰觶觶適也飲當自適也四升曰

角角觸也飲不能自適觸罪過也五升曰

散散訕也飲不能

詩正義無此字

自節

人所謗

訕也

詩正義無所也二字周禮疏引止一

角五升曰散五升曰

總名曰爵其實曰觴觴者餽也

饒亦五升

左傳正義饒作饒無亦字

所以罰不敬也

字也

依左傳正義

觥廓也所以

左傳正義無此二字

著明之貌

君子有過廓然明著

禮記正義並作著明非所

所

以餽不得名觴

左傳正義無此八字

周

禮說爵一升觚三升獻以爵而酬以

酬則一豆矣食一豆肉飲一豆

之食已上三十八字唯禮記正義引

蓋承韓詩說一升曰解二升曰觚

從畧詩正義禮記正義並無

左傳正義作觥大七升謹案周禮云

疏一獻三酬當一豆若周禮疏觚二

不滿一豆矣周禮疏無一字禮記正義

案無周禮云已下至不滿又觥罰有

過禮記正義有一飲而盡左傳正義無而

無七升為過多當謂似應五升詩卷耳

正義周

禮記正義左傳成十四年正義末四字見左傳正義

駁曰周禮獻以爵而酬以觚觚寡也

此十二字唯禮

記正義

觶字角旁氏汝穎之間師讀所作今

禮角旁單古書或作角旁氏角旁氏則與觚

字相近學者多聞觚寡聞觶寫此書亂之而

作觚耳

禮記正義引云觶字角旁著氏是與觚相涉誤為觚也茲依周禮疏

又

此字與周禮疏

南郡太守馬季長說一獻而

此字亦依

周禮

則一豆豆當為斗與一爵三觶相

應

周禮祥人疏禮記正義毛詩卷耳正義左傳成十四年正義儀禮燕禮疏末句



周禮疏無與  
字應作近

駁曰玉雜則色雜

周禮玉人疏

異義天子笏曰珽珽直無所屈也

隋書禮儀志比

案鄭君注玉藻天子搢珽云此亦笏也

謂之珽珽之言珽然無所屈也或謂之

大圭長三尺杼上終葵首終葵首者於

杼上又廣其首方如椎頭是謂無所屈

相玉書曰珽玉六寸明白炤是異義此

說同也

異義謹案周禮說五玉贄自孤卿以下執禽尊卑有差也禮不下庶人工商又無朝儀五經無說庶人工商有贄

御覽五百二十九禮儀部

贄類

案大宗伯云庶人執鵠工商執雞是有贄也儀禮士相見有庶人見于君之文曲禮亦言庶人之摯周禮小司寇又云詢萬民之位百姓北面是庶人工商亦有朝儀也鄭君注相見引庶人之

是亦以爲有贅矣卽此可知駁義

異義韍者大帶之飾非鞞也

御覽六百九十一服章部

韍類

案許君說鞞韍韎韐之名今闕不得其詳然考說文言鞞韍韎韐之制甚備且易玉藻之赤韍緼韍爲赤鞞緼鞞是許君以鞞韍同名韎韐異制皆與毛鄭合不知異義異者之何太平御覽所引疑非叔重之言或許引他家說文有脫漏

耳

駁曰有韎韐無鞞有鞞無韎韐 韎草名齊  
魯之閒言韎韐聲如茅蒐字當作韎陳留人  
謂之蒨並見詩瞻彼  
洛矣正義

案詩瞻彼洛矣韎韐有奭正義云大夫  
以土祭服謂之韎士朝服謂之鞞祭服  
謂之韎韐士冠禮爵弁服韎韐不言韎  
是也此毛傳所謂韎韐以代鞞鄭駁異  
義所謂有韎韐無鞞有鞞無韎韐也爾

雅釋草茹蘆茅蒐李巡曰茅蒐一名茜  
可以染絳陸機毛詩草木蟲魚疏曰齊  
人謂之茜徐州人謂之牛蔓李陸作茜  
鄭作蒨一也

異義公羊說樂萬舞以鴻羽取其勁輕一  
舉千里詩毛說萬以翟羽韓詩說以夷狄  
大鳥羽謹案詩云右手秉翟爾雅說翟鳥  
名雉屬也知翟羽舞也

詩簡兮正義

案詩毛傳云翟翟羽箋不易傳則鄭亦

與許君義同

異義今論語說鄭國之爲俗有溱洧之水

男女聚會謳歌相感故云鄭聲注在傳說

煩手注聲謂之鄭聲者言煩手躑躅之聲

傳注過矣謹案鄭詩二十一一篇詩婦人者

十九故鄭聲注也

禮記樂記正義正義云

異義云十九誤也無十字矣初學記樂部

上符樂引異義云鄭有溱洧之水男女聚

會鄭歌相感今鄭詩二十一一篇說婦人者

逸也今又曰已上九字即鄭躑

字有謬誤

樂所以節百事故有五節遲  
聲以降五降之事不容彈矣

初學

此古左氏說也鄭爲左氏學或不異

焉

### 朝名第七

異義朝名公羊說諸侯四時見天子及相  
聘皆曰朝以朝時行禮卒而相逢於路曰  
遇古周禮說春曰朝夏曰宗秋曰覲冬曰

遇謹案禮有覲禮本誤詩曰韓侯入覲書

曰江漢朝宗于海知其朝覲宗遇之禮其

當作有

駁曰此皆有似不為古昔似有誤案覲禮曰諸

侯前朝皆受舍于朝朝通名禮記王制正義

句以下名秋之言覲據時所用禮正義引自此

異義公羊說諸侯比年一小聘三年一大

聘五年一朝天子左氏說十二年之間八

聘四朝再會一盟謹案公羊說虞夏制左



姦凶所利 封錫審詳 庶幾不墜

都邑城郭篇第九十三

劉敬山漢書劉敬上書說上都關中上疑之左右大臣皆  
河向洛其固亦可恃張良曰洛陽曰東有成皋西有淆澠背  
過數百里地薄四面受敵此非用武之地夫關中左崤  
函右隴蜀沃野千里東南有巴蜀之饒北有胡宛之利阻  
三面而守獨以一面東制諸侯此所謂金城千里之國  
也上意周公漢書云昔者周公營洛邑以爲在張儀華  
遂定秦遺張儀收蜀儀至蜀築屏四方故立京師張儀  
國志秦遺張儀收蜀儀至蜀築屏四方故立京師張儀  
儀患之忽有大龜行於野其跡周圜數十里儀使役夫  
以龜所遺殼於武庫後至唐高崇文守蜀以殼爲帶攜去  
龜所遺殼於武庫後至唐高崇文守蜀以殼爲帶攜去  
至今號鮪吳越春秋曰鮪築城以衛居崔豹注曰秦始  
日龜城鮪造郭以守民此城郭之始也崔豹注曰秦始  
皇所築長城土色下魚袁山松宜都記曰岷山縣絕六  
皆紫故謂之紫塞下魚袁山松宜都記曰岷山縣絕六  
唯兩道可上皆險絕山上周迴可二十里有城四向絕崖  
田種昔永嘉之亂土人登此避賊賊守之經年食盡取

池魚擲下與賊以示不匱顏回莊子曰孔子謂顏回曰  
賊遂退因名爲下魚城顏回家貧居卑胡不仕乎回  
對曰回有郭外之田五十畝足以養父母滕文公  
給饋粥足以給絲麻回不願仕也滕文公問曰滕小國  
也間於齊楚有事齊乎事楚乎孟子對曰是謀非吾所能  
及也無已則有一焉鑿斯池也築斯城也與民守之效  
死而民弗去孟子曰天之時不如地利地利不如人  
則勝夫環而攻之必不得天時者矣然而郭環而攻之而  
不勝夫環而攻之必不得天時者矣然而郭環而攻之而  
利也米粟非不多也委而鄭伯左傳鄭莊公弟共叔段  
去之是地不利不多也委而鄭伯左傳鄭莊公弟共叔段  
巖邑也他邑唯命請京使居之叔段猶甲治兵祭仲諫  
莊公曰都城不過百雉都城過百雉國之害也今京不  
度蔓草猶不可除況君之寵弟乎公曰姜氏欲之何厭  
之有叔果叛公知其期攻之叔走孔子書曰鄭伯克段  
鄆于

贊曰 都邑之稱 爰從古昔 外郭內城

渠隍溝洫 以建國藩 以爲民域

衛善防姦 高深峻極 德苟不修

險安可必 貴在人和 守之勿失

宮殿樓臺篇第九十四

始皇秦始建阿房宮唐杜牧之阿房宮賦其略曰釘  
帛縷曲欄橫檻多於在庾之粟粒瓦縫參差多於周身之  
帛縷曲欄橫檻多於在庾之粟粒瓦縫參差多於周身之  
渭流漲賦又曰明星熒熒開妝鏡也綠雲繞繞梳曉鬢也  
車過也轆轤遠聽杳不知其所之也椒蘭也雷霆乍驚宮  
間而氣候不齊云云觀高祖漢書蕭何建未央宮成高  
此賦則其大可知也高祖漢書蕭何建未央宮成高  
世無以杜子美龍蛇動宮殿風微燕雀高古旌旗日使後  
也秦本紀殿上之名三代以前不載秦本紀云始作前  
皇后東觀漢紀明德馬皇后嘗有不安後唐五代唐莊  
苦熱欲於內苑建一樓以避暑計費錢數十萬三司使  
郭崇韜以庫藏匱乏難其事諸宦者從旁言曰臣等及

見長安全盛時大明興慶等宮樓閣百數今之大內不  
及故時卿相家陛下欲營造一樓三司使郭崇韜眉頭  
不展莊宗於是使人問崇韜曰朕昔與梁相持於河上  
不避暑暑亦不以爲苦今無事深居覺暑熱不可當夫  
何故也崇韜對曰陛下昔日以宗遂罷其議心文王毛詩靈  
今日以一身爲急故也莊宗遂罷其議心文王毛詩靈  
經始靈臺經之營之庶民攻之不日成之經始勿亟庶  
民子來孟子曰文王以民力爲臺與伍舉登焉曰臺美夫  
伍舉對曰先君莊王爲匏居之臺與伍舉登焉曰臺美夫  
過容宴豆人不廢時務官不易朝常今君爲此臺人罷  
財盡數年乃成諸侯不至若君謂此臺爲美殆矣買達  
注曰所謂匏居寡婦清史記蜀寡婦清先爲得丹穴之利  
乃高臺名也寡婦清數葉家大富清寡婦也能以財  
自衛至使人不見犯秦始皇以相如王褒益州記司馬  
爲貞婦爲築臺號女懷清臺以相如王褒益州記司馬  
竿橋北百步許今海漢光武後漢光武皇帝築雲臺上  
安寺是也南有琴臺漢光武後漢光武皇帝築雲臺上  
以椒房之魏明帝世說漢有凌雲臺觀極精巧先稱  
咸不與焉魏明帝平眾材輕重當宜然後造構乃無錯  
錙銖遞相負揭雖高峻恒隨風搖動而終無崩損魏明  
帝登之懼其勢危別以大材扶之即便頽壞論者謂輕

異義禮約盟不今春秋公羊說古者不盟  
結言而退故穀梁傳云誥誓不及五帝盟  
詛不及三王交質子不及二伯詛詛舊作  
且誤  
盟非禮故春秋左氏云周禮有司盟之官  
殺牲歃血所以盟事神明又云凡國有疑  
盟詛其不信者是知於禮得盟謹案太平  
之時有盟詛之禮禮記曲禮正義  
正義云鄭不駁

案鄭君信周禮故不用穀梁說從左氏

說與許君同義

異義盟牲所用韓詩說天子諸侯以牛豕

大夫以犬庶人以雞毛詩說君以豕臣以

犬民以雞左傳云鄭伯使卒出貍行出犬

雞以詛射穎考叔者又云衛伯姬盟孔悝

以貍

禮記曲禮正義

駁曰詩說及鄭伯使卒及行所出

使卒以下六字禮記

正義

皆謂詛耳小於盟也

禮記正義無耳也二字其引鄭駁止

此

周禮戎右職云若盟則以玉敦辟盟遂役

之贊牛耳桃茢哀十七年左傳曰孟武伯問

於高柴曰諸侯盟誰執牛耳然則盟者人君

用牛伯姬盟孔悝以豶下人君牲

詩何人斯正義左傳

哀十五年正義引人君用牛已下十五字盟作迫牲作耳

異義公羊說天王喪赴者至諸侯哭雖有  
父母之喪越紼而行事葬畢乃還左氏說  
王喪赴者至諸侯既哭問故遂服斬衰使  
上卿弔上卿會葬經書叔孫得臣如京師  
葬襄王以爲得禮謹案易下邳傳甘容說  
諸侯在千里內皆奔喪千里外不奔喪若

同姓千里外猶奔喪親親也容說爲近禮

禮記王制正義

案左氏說諸侯蕃衛之臣不得奔

其封守諸侯千里之內奔千里之外不奔

四方不可空虛故遣大夫也

通典八十  
凶禮二

駁曰禮

正義無

天子於諸侯無服諸侯爲天子

斬衰三年是尊卑異者也

此句正義作尊卑有差

春秋

文四年

五字正義作案曾二字

夫人成風薨王使榮叔

來

正義作歸

含且賙又王使召

正義無又王使三字召通典作毛誤

伯來會葬傳曰禮也至襄王崩叔孫得臣如



京師葬襄王則傳無言焉

正義無至字及則傳無言焉五字如

京師作如周通典無襄王崩三字

天子於魯既含且

通典無且賁

又會葬爲得禮則是

通典作是則

魯於天子一大

夫會葬而已

正義無葬字而已三字

爲不得禮可知矣

正義

無矣

案昭三十年晉侯去疾卒秋葬晉頃公

傳曰鄭游吉弔且送葬魏獻子使士景伯詰

之其對辭有

正義無已上三十七字而有又左傳云鄭游吉云入字

靈

王之喪我先君簡公在楚我先大夫印段實

往敝邑之少卿也王吏不討恤所無也豈非

民國甲戌

較五經異義

江都朱氏

左氏諸侯奔天子之喪及會葬之明文

通典引止

此又文下有也字

說左氏者云諸侯不得弃其所守

奔喪自違其傳同姓雖千里外猶奔喪又與

禮乖

禮記王制正義通典凶禮二

異義大鴻臚眭生說

漢公羊春秋大師眭孟本傳及儒林傳皆

云為符節令此云大鴻臚未詳考其義又與異義引公羊說異則非眭孟也後漢有

注丹世傳孟氏易建武十一年為大鴻臚豈眭乃注之誤與

諸侯踰年

即位乃奔天子喪春秋之義未踰年君死

不成以人君禮言王者未加其禮故諸侯

亦不得供其禮於王者相報也謹案禮不  
得以私廢公卑廢尊如禮得奔喪今以私  
喪廢奔天子之喪非也又人臣之義不得  
校計天子未加禮於我亦執之不加禮也

眭生之說非也

執似當  
作報

駁曰案孝經資於事父以事君言能爲人子  
乃能爲人臣也服問嗣子不爲天子服此則  
嫌欲速不一於父也喪服四制曰門內之治  
恩掩義門外之治義斷恩此言在父則爲父

在君則爲君也春秋莊三十二年子般卒時

父未葬也子者繫於父之稱也言卒不言崩

案崩當作薨

未成君也未成君猶繫於父則當從

門內之治恩掩義禮者在於所處此何以私

廢公何以卑廢尊

通典二十  
凶禮二

異義諸侯自相奔喪禮公羊說遣大夫弔

君會其葬左氏說諸侯之喪士弔大夫會

葬文襄之霸令大夫弔卿共葬事謹案周

禮無諸侯會葬義知不相會葬

禮記王制  
正義正義

云鄭氏  
無駁

案王制注引左氏傳諸侯五月同

所謂同盟至者不必親會葬也鄭君但  
以證禮傳葬期之合耳或誤解爲親會  
葬謂鄭不從許說不宜無駁舛矣獨不  
思同盟至固左氏傳說邪

異義諸侯夫人喪公羊說卿弔君自會葬

襄公三十年叔弓如宋葬宋其姬譏公不

自行也

襄公已下十九字正義  
無見公羊文六年疏

左氏說諸

民國甲戌

較互經異義

三江都朱氏

侯夫人喪士弔士會葬文襄之霸士弔大夫會葬叔弓如宋葬宋共姬上卿行過厚非禮也謹案公羊說同盟諸侯薨君會葬其夫人薨君又會葬是其不遑國政而常在路同姓則會異姓則不會

駁曰案禮君與夫人尊同故聘禮卿聘君因聘夫人凶時會弔主於相哀愍畧於相尊敬故使可降一等士弔大夫會葬禮之正也周禮諸侯之邦交歲相問也殷相聘也世相朝

也無異姓同姓親疏之數云夫人喪士會葬

說者致之非傳辭也

禮記王制正義

異義未踰年之君繫父不公羊說云未踰年之君皆繫於父晉里克殺其君之子奚齊是也左氏曰未踰年之君未葬繫於父殺奚齊于次時父未葬雖未踰年稱子成爲君不繫於父齊公子商人殺其君舍父已葬謹案禮制君喪未葬已葬儀各有差嗣君號稱亦宜有差左氏說是也

通典九十三凶

禮十  
五

案鄭君注坊記云春秋傳曰諸侯於其  
封內三年稱子至其臣子踰年則謂之  
君矣是鄭從公羊說也蓋未葬稱子某  
已葬稱子是其差也莊三十二年冬十  
月己未子般卒時莊公未葬文十八年  
冬十月子卒則文公已葬矣未踰年總  
不得稱君也況齊昭公以五月薨舍以  
七月弑昭公葬無明文以禮而言固未



葬卽實加左氏說亦不合稱君特稱君者止舍位以正商人之統耳

異義諸侯未踰年出朝會與一出會何稱春秋公羊說云諸侯未踰年不出境在國中稱子以王事出亦稱子非王事而出會同安父位不稱子鄭伯伐許未踰年以木爵譏不予也左氏說諸侯未踰年在國內稱子以土事出則稱爵詘於王事不敢伸其私恩鄭伯伐許是也春秋不得以家事

辭王事諸侯蕃衛之臣雖未踰年以王事

稱爵是也

春秋上似脫  
謹案二字

駁曰昔武王卒父業既除喪出至孟津之上  
猶稱太子者是爲孝也今未除喪而出稱爵  
是與武王義反矣春秋僖九年春三月丁丑  
宋公禦說卒夏公會宰周公齊侯宋子衞侯  
鄭伯許男曹伯于葵邱宋子卽似當踰年君  
也出與天子大夫會是非王事而稱子邪通

異義諸侯有妾母喪得出朝會不春秋公  
羊說妾子爲諸侯不敢以妾母之喪廢事  
天子大國出朝會禮也魯宣公如齊有妾  
母之喪經書善之左氏說云妾子爲君當  
尊其母有三年之喪而出朝會非禮也故  
譏魯宣公謹案禮妾母無服貴妾子不立  
而他妾子立者也不敢以卑廢事尊者禮  
也卽妾子爲君義如左氏

駁曰喪服總麻庶子爲後爲其母此義自天

駁五經異義

子下至庶人同不得三年魯宣

本謬襄

公所以

得尊其妾母敬嬴爲夫人者以夫人姜氏大

歸齊不反故也因是言妾子立母卒得爲之

三年於禮爲通乎其服之間出朝會無王事

與鄭伯伐許何異

通典九十三  
凶禮十五

異義今春秋公羊說諸侯曰薨訃于鄰國

亦當稱薨經書諸侯言卒者春秋之文王

魯故稱卒以下魯古春秋左氏說諸侯薨

赴于鄰國稱名則書名稱卒卒者終也取

其終身又以尊不出其國謹案士虞禮云

尸服卒者之上服不分別尊卑皆同言卒

者卒終也是終沒之辭也禮記雜記正義

駁曰案禮集解無案字雜記上曰正義君葬

赴於他國之君曰寡君不祿敢告於執事此

字正禮下曰壽考曰卒短折曰不祿集

義無葬赴正義無而云不祿者言集解無

之正義無於君父雖有考終眉壽集解

猶若其短折然集解無其痛傷之至也

五字義無若君薨而赴者曰卒卒是壽終矣集解

若赴稱卒斯集解無無哀惜之心非臣子

之辭鄰國來赴書以卒者無老無幼皆以成

人之稱正義作言無所老亦正義無所以相

尊敬禮記雜記正義穀梁隱三年集解

義公羊說雨不克葬謂天子諸侯也卿

大夫臣賤不能以雨止穀梁說葬既有日

不為雨止左氏說卜葬先遠日辟不懷言

不汲汲葬其親不可行事廢禮不行庶人

不爲雨止謹案論語云死葬之以禮以雨而葬是不行禮穀梁說非也

禮記王制正義正義云鄭

無駁

案釋癘疾云雖庶人葬爲雨止是亦異於左矣然據在廟未發之時言也其已發在路及葬則唯君爲雨止故土制注云雖雨猶葬以其禮儀少也

### 安同姓第八

異義諸侯娶同姓今春秋公羊說魯昭公

娶於吳爲同姓也謂之吳孟子春秋左氏  
說孟子非小君也不成其喪不當譏謹案  
易曰同人于宗吝言同姓相娶吝道也卽  
犯絕之罪言五屬之內禽獸行乃當絕  
通鑑六十  
嘉

案坊記注云吳大伯之後魯同姓也昭  
公取焉去姬曰吳而已至其死亦畧云  
孟子卒不書夫人某氏薨是從公羊說  
與許君同但其注同人于宗云天子



侯后夫人無子不出似不作同姓杞娶  
解也同姓爲曾子孫不蕃凶道矣庸止  
吝平

異義人君年幾而娶此六字見詩正義今大戴禮

記男子三十而娶女子二十而嫁禮記正義作大

義作大合爲五十應大衍之數此九

天子已下及庶人同禮記

正義作自天子達故春秋左氏說國君十

五而生子禮也二十而嫁三十而娶庶人

禮也

詩正義作又左傳說人君十五禮為生子禮三十而娶庶人禮也

夫姊

木誤作夫為婦

之長殤長殤十九至十六知

夫年十四十五見士昏禮也

已上二十六字詩正義無

又見士昏禮也下疑有脫誤

謹案舜生三十不娶謂之

鰥

詩正義無此有禮文王世子曰六字似衍

文王十五而生武

王

詩正義無武王二字有無而字

見伯邑考故

禮記正義無故字

知人君早昏娶

詩正義無

義無昏字通典五十九嘉禮四引止文王

十八

不可以年三十

此六字詩正義無

所以重繼

嗣

詩傳有梅正義禮記昏義正義末句禮正義作非重昏嗣也詩正義云鄭不載

案詩迨其吉兮箋云謂年二十周禮媒

八計云二三耆天地相承覆之數書堯

典傳云男子三十而娶女子二十而嫁

鄭丑不破是同許君說謂士大夫皆三

十而娶唯人君昏則早也

其說我禮戴說天子親迎

此七字唯曲公羊禮正義引之

說天子至庶人娶皆當親迎

哀公問正義句首有自字

通典左傳正義無娶當二字

左氏說王者

哀公問正義作天子至

駁五經異義

尊無敵體之義哀公問正義無故無親迎

之禮詩正義作故不親迎通典左傳正義

此作左氏說天子不親迎詩正義止此使上卿逆

之正義傳正義通典引異義諸侯有故若疾病則使上大

夫上卿臨之曲禮正義作諸侯亦不親

問右故皆不親迎矣與謹案高祖時

皇太子姬叔孫通制禮以為天子無親

迎徐生義也此謹案語唯哀

駁曰大如之家在洽之陽此四字依在渭之

渼已上通文王親迎于渭左傳正義句末有

作文王迎大即天子親迎之明文矣哀公問

之字矣作也左傳正義作即天子親天子雖

迎也通典與左傳正義同即作則親天子雖

至此字依詩尊其於后誤作加於猶通典左

作正義增案解無夫婦判合集解作配合通

則夫婦也也字夫婦判合典集解作無判則誤

矣禮同一體所謂無敵豈施於集解無此哉

天子已下至此禮記自此至末曲禮哀公問

哀公問正義無禮記正義並係節鈔非原文

不復哀公問曰寡人願有言然六字依詩冕

識別而親迎不已重乎孔子愀然作色而對曰典通

而親迎不已重乎孔子愀然作色而對曰典通

民國甲戌七江鄒朱氏

左傳正義作

合二姓之好以繼先聖之後以

為大地宗廟社稷之主君何謂已重乎

通典集解

焉此言親迎繼先聖之後以

集解無以字

為天地

宗廟社稷之主

詩正義無以字

非天子則誰

乎

詩大明正義禮記曲禮正義哀公問正義

左傳桓八年正義

穀梁桓八年集解

通典

嘉禮三昏禮之暮枕席相連詩葛履正義

異義姪娣年十五以上能共事君子可以

往二十而御易曰歸妹愆期遲歸有時詩云韓侯取妻諸娣從之祁祁如雲娣必少

於嫡知未二十而往也

穀梁隱七年集解

案詩江有汜箋云江水大汜水小然得並流似嫡媵宜俱行是亦謂十五以上與嫡同往從許君說也

異義夫君父終身不得其臣子當得昏不

駁曰苦終身不除是絕嗣也除而成婚違禮

適權也

通典九十八凶禮二十引田瓊答劉德問

異義古尙書說云武王崩時成王年十三後一年管蔡作亂周公東辟之王與大夫

民國甲戌

駁五經異義

七江都朱氏

盡弁以開金縢之書時成王年十四言弁

明知已冠矣

譙周五經然否論引此異義云武王崩後管蔡作亂周公

出居東是歲大風王與大夫冠弁開金縢之書成王年十四是喪冠也

今禮

戴說云男子陽也成於陰故二十而冠公

隱元年疏春秋左氏傳說歲星爲年紀十二而

一周於天天道備故人君年十二可以冠

自夏殷天子皆十二而冠

通典五十六嘉禮一

案鄭注金縢云天子諸侯十二而冠成

王此年十五于禮已冠是同尙書左氏



之說

異義公羊記無樂春秋傳說君冠必以金石之樂節之謹案人君飯有舉樂而云冠無樂非禮義也

政和五禮新儀十二

案盧辯公冠注云成人代父始宜盡孝子之感不可以歡樂取之若然無樂是也故周禮備詳樂事獨不及冠樂彼春秋傳之云乃衰世變禮耳鄭君同異無明文以知之

駁曰君有酒食欲與羣臣嘉賓燕樂之如鹿  
得萃草以為美食呦呦然鳴相呼亦欵誠之  
意盡於此耳

詩鹿鳴正義

九族第九

異義九族今戴禮

左傳正義作禮戴

尚書夏侯

此

字依書正義增歐陽說

詩正義此下有云字

九族乃異姓有

親左傳正義無親字

屬者父族四五屬之內為一

族父女昆弟適人者與其子為一族已女

昆弟適人者與其子為一族已之女子

詩正義

義無女子適人者與其子為一族母族三

母之父姓為一族母之母姓為一族母女

昆弟適人者與其子詩正義無此三字為一族妻

族二妻之父姓為一族妻之母姓為一族

書正義引此作夏侯歐陽等以為九族者父族四母族三妻族二皆據異姓有服非

其原文也古尚書說九族者上從高祖下至玄

孫凡九皆為同姓左氏正義無字謹案禮總

麻三月以上服服字依通典增恩之所及也也字依通

典增禮為妻父母有服明在九族中也九族

詩正義無中也九族四字左傳正義無也字不得但施於通典無於

同姓書正義無古尚書說以下至此通典引止謹案語

駁曰玄之聞也婦人歸宗女子雖適人字猶

繫姓明不得詩正義無得字與父兄為異族其子則

然昏禮請期辭曰惟是三族之不虞欲及今

三族未有不億度之事而迎婦也如此所云

三族不當有異姓詩正義作則三族當有異姓誤異姓其服

皆總麻左傳正義無麻字禮雜記下詩正義無此四字總麻

之服不禁嫁女娶婦詩正義作妻是為異姓不在

族中明矣周禮小宗伯掌三族之別左傳正義別下

有名字喪服小記說服詩正義之義曰親親蓋衍

以三為五以五為九以此言之知高祖至玄

孫昭然察矣書堯典正義詩葛藟正義左傳

十八書正義引駁義云異姓之服不過總麻

言不廢昏又昏禮請期云惟是三族之不虞

恐其廢昏明非外族也亦非其原文通典止

引末數語云按小記云親親以三為五以五

為九以此言之高祖至玄孫明

矣與正義所引者文亦小異

異義詩齊魯韓春秋公羊說聖人皆無父

感天而生左氏說聖人皆有父謹案堯典

以親九族卽堯母慶都感赤龍而生堯堯  
安得九族而親之禮識云唐五廟知不感  
天而生

駁曰玄之聞也諸言感生得無父有父則不  
感生此皆偏見之說也商頌曰天命玄鳥降  
而生商謂娥簡狄吞鳧子生契是聖人感生  
見於經之明文劉媪是漢太上皇之妻感赤  
龍而生高祖是非有父感神而生者也且夫  
蒲盧之氣嫗煦桑蟲成爲己子况乎天氣因

人之精就而神之反不使子賢聖乎是則然

矣又何多怪

詩生民正義

異義詩曰有母之尸穡謂陳穡以祭恐養

不及親

詩圻父正義

案箋云已從軍而母爲父陳饌飲食之具自傷不得供養也是不從許義矣正義云彼爲論穡餼生死不爭此文故不駁之

異義公羊說臣子先死君父猶名之孔子

云鯉也死是已死而稱名左氏說旣沒稱字而不名桓二年宋督弑其君與夷及其大夫孔父先君死故稱其字穀梁同左氏說謹案論語稱鯉也死時實未死假言死耳

異義設言死凡人於恩猶不然况聖賢乎

禮記

曲禮下正義

異義公羊說譏二名謂二字作名若魏曼多也左氏說二名者楚公子弃疾弑其君



卽位之後改爲熊居是爲二名謹案文武  
賢臣有散宜生蘇忿生則公羊之說非也

禮記曲禮  
上正義

案曲禮二名不偏諱鄭注引檀弓言在  
不稱徵言徵不稱在釋之不云二名非  
禮則亦從左氏義也

異義衛輒拒父公羊以爲孝子不以父命  
辭王父之命許拒其父左氏以爲子而拒  
父悖德逆倫大惡也

駁曰以父子私恩言之則傷仁恩

禮記檀弓下正義

異義妻甲夫乙毆母甲見乙毆母而殺乙  
公羊說甲爲姑討夫猶武王爲天誅紂

駁曰乙雖不孝但毆之耳殺之太甚凡在官

者未得殺之殺之者士官也

禮記檀弓下正義

異義左氏宣十八年秋七月邾人戕鄆子  
于鄆傳曰凡自內虐其君曰弑自外曰戕  
戕卽邾人戕鄆子是也自內弑其君曰弑  
者晉人弑其君州蒲是也雖他國君不加

虐亦曰殺若加虐殺之乃謂之戕戕取殘  
賊之意也若自上殺下及兩下自相殺之  
等皆曰殺

周禮大司馬疏

異義凡君非理殺臣公羊說子可復讎故  
子胥伐楚春秋賢之左氏說君命天也是  
不可復讎

駁曰子思云今之君子退人若將隊諸淵無  
爲戎首不亦善乎子胥父兄之誅隊淵不足  
喻伐楚使吳首兵合於子思之言也

禮記曲禮上正

義

駟五經異義

補刊

異義公羊說復百世之讎古周禮說復讎

之義不過五世

調人疏引此句作復讎可盡五世之內

五世

之外施之於己則無義施之於彼則無罪

所復者惟謂殺者之身乃在被殺者子孫

可盡五世得復之

已上四十一字見調人疏

謹案魯桓

公爲齊襄公所殺其子莊公與齊桓公會

春秋不譏又定公是魯桓公九世孫孔子

相定公與齊會于夾谷是不復百世之讎

也

禮記曲禮上正義  
正義云鄭不駁

案鄭爲周禮學故從周禮說與許君同

駁曰臯陶改臚爲荆呂刑有荆周改荆爲刑

公羊襄二十九年疏

駁曰獄者塉也囚證于角核之處周禮謂之

圜土

詩行露正義

異義禮戴說刑不上大夫古周禮說士尸

肆諸市大夫尸肆諸朝是大夫有刑謹案

易曰鼎折足覆公餗其刑剭凶無刑不上

民國甲戌

駁五經異義

七九江都朱氏

大夫之事

駁曰凡有爵者與王同族大夫以上適甸師氏令人不見是以云刑不上大夫

禮記曲禮上正義

異義夏侯歐陽說云墨罰疑赦其罰百率古以六兩爲率古尙書說百鍰鍰者率也一率十一銖二十五分銖之十三也百鍰爲三斤

駁曰古之率多作鍰

已上見周禮職金疏

贖死罪千鍰

鍰六兩大半兩爲四百一十六斤十兩大半

兩銅與今本誤作金贖死罪金三斤爲價相依附

書舜典正義

### 騶虞第十

異義今詩韓魯說騶虞天子掌鳥獸官古  
毛詩說騶虞義獸白虎黑文食白死之肉  
不食生物人君有至信之德則應之周南  
終麟趾召南終騶虞俱稱嗟嘆之是麟與  
騶虞皆獸名謹案古山海經鄒書云騶虞

獸說與毛詩同

周禮肆師疏

案鄭志答張逸云白虎黑文周史王會云是以騶虞爲獸與許君同

異義公羊說麟木精左氏說麟中央軒轅大角之獸陳欽說麟是西方毛蟲謹案禮運云麟鳳龜龍謂之四靈龍東方也虎西方也鳳南方也龜北方也麟中央也

駁曰古者聖賢言事亦有效三者取象天地人四者取象四時五者取象五行今云麟鳳龜龍謂之四靈是則當四時明矣虎不在靈



中空言西方虎者麟中央得則無近誣乎

禮記

禮運正義空言已下十五字疑有錯誤

異義公羊說哀十四年獲麟此是漢

三

禮記正義無受命之瑞周亡失

左傳正義無失字

天

之異夫子知其將有六國爭彊秦項交戰

然後劉氏乃立夫子深閔民之離告改為

之隕泣麟者太平之符聖人之類又云麟

得而死此亦天告夫子將沒之徵也

已上六

字禮記正義無左氏說麟生於火而遊於土

此七

記正是左傳正義無中央軒轅大角之獸禮記正義

無之孔子作春秋春秋者禮也禮記正義

春秋二字不疊脩火德禮記正義以致其

子故麟來而為孔子瑞也禮記正義無奉

德侯此三字禮記正義無陳欽說麟西方毛蟲金精

也此三字禮記正義無孔子作春秋有立言西方兌

兌左傳正義無為口故麟來禮記正義無公議郎尹

更始待詔劉更生等議石渠左傳正義但

始等皆禮記正義無以為言凶不並瑞災不兼

六字皆禮記正義無

今麟爲周亡天下之異則左傳正義無亡

字不得復爲漢瑞禮記正義無知麟應孔

子而至左傳哀十四年正義禮記禮運正

元占經引異義云公羊說孔子獲麟天命絕周天下叛去爲卸卸恐誤

駁曰玄之聞也洪範五事二曰言言曰從從

作又又治也言詩正義無於五行屬金孔子

時周道衰亡已有聖德無所施用詩正義無

於是禮記正義無此二字作春秋以見志其言少詩正義作

可從以爲天下法此五字詩故天禮記正義無天字

民國甲戌 駁五經異義 八 江都朱氏

應以金獸性仁

詩正義無性仁二字

之瑞

詩麟趾正義引止此

賤

補刊

者獲之則知將有庶人受命而得之受命之  
徵已見則於周將亡事勢然也興者爲瑞亡  
者爲災其道則然何吉凶不竝瑞災不兼之  
有乎如此修母致子不若立言之說密也

禮記

禮運正義左傳正義止引修母已下十二字若作如

異義公羊以爲鸛鵒夷狄之鳥穴居今來  
至魯之中國巢居此權臣欲自下居上之  
象穀梁亦以爲夷狄之鳥來中國義與公

羊同左氏以爲鸛鵒來巢書所無也謹案

從二傳

案陸氏左傳音義鸛其俱反嵇康

權鵒

音欲穀梁音義鸛本又作鸛音權左

氏作鸛

公羊作鸛公羊音義鸛音權左氏

作鸛

考工記鸛鵒不踰濟周禮音義作鸛

云鸛

徐劉音權今公羊春秋有鸛鵒來巢

何休

解詁曰鸛鵒猶權欲

故諸家公羊本並從之

駁曰案春秋言來者甚多非皆從夷狄來也

從魯疆外而至則言來鸛鵒本濟西穴處今

乃踰濟而東又巢爲昭公將去魯國

考工記序工疏

公羊昭二

十五年疏

民國甲戌

駁五經異義

八三 江都朱氏

異義公羊說云麒麟神物食牛角咎在有  
司又有咎在人君取已有災而不改更者  
義通于此

公羊成  
七年疏

案經云改卜且云又食則所改卜之牛  
非先已有災可知咎人君者咎其不敬  
以數召災耳公羊說非也

異義公羊說后夫人之家專權擅勢秉持

國政蠶食百姓則蟲飛及墜

開元  
占經

案此說與公羊兩蠶于宋注同鄭君釋

廢疾但以爲宋德薄將有禍不云內宮專政則不從公羊說矣

異義穀梁說云隕石于宋五象宋公德劣國小陰類也而欲行霸道是陰而欲陽行也其隕將拘執之象也是宋公欲以諸侯行天子道也

駁曰六鵠俱飛得諸侯之象也其退示其德行不進以致敗也得諸侯是陽行也被執敗是陰行也

穀梁僖十六年疏

非常曰異害物曰災

詩正

月疏

異義今易京氏說臣動養君其義理也必

當作辟聲之望利下弗養以道厥妖國有

被髮于野祭者

御覽五百二十五禮儀部四祭禮類中